

NKULUNKULU LONGAGUCULEKI

ASEBENTA NGENDLELA

LENGAKALINDZELEKI



Kholwa kuphela, kholwa kuphela,
Konkhe kuyenteka, kholwa kuphela.

² Asikhotsamise tinhloko tetfu umzuzwana nje sentele umkhuleko. Ngiyajabula kakhulu kuba nani kusihlwa. Futsi intfo yekucala lesifisa kuyenta manje kukhulumna naLowo lesitele kutombona, iNkhosi Jesu. Asikhuleke.

³ Babe wetfu loseZulwini, sitsatsa loku njengenhlanhla lenkhulu kutsi sibe kulelibandla lelincane kusihlwa, enkonzweni yeNdvodzana yaKho letsandzekako, iNkhosi Jesu, uMsindzisi wetfu. SiyaKubonga kakhulu ngemusa Lasiphe wona, kucitsa iNgati yaKhe, kuze tsine, lesingcolile, sihlantwe ngekuBuyisana kwaKhe lokukhulu.

⁴ Sikhulekela liBandla emhlabeni wonkhe, ndzawo tonkhe, lonkhe lilunga, wonkhe umfundisi. Sikhulekela ikakhulukati lelibandla nemelusi walo, kusihlwa, nalomhlambi lomncane lohamba lapha kulencenyalelidolobha. Njengemalunga eMtimba waKhristu, sikhulekela kutsi Utobabusisa, Nkhosi. Busisa emadikhoni, emagonsa. Futsi kuyinhlanhla lenkhulu kuta, kusihlwa, kwabelana inhlanguyelo ndzawonye, Nkhosi, kutsi silapha ngesizatfu sinye ngaKhristu.

⁵ Manje, Nkhosi, sikhulekela kutsi Utosindzisa wonkhe umuntfu lapha longakasindziswa, kusihlwa. Futsi uphilise wonkhe umuntfu logulako. Futsi ugcwalise ngaMoya loyiNgewe labo labalambele nalabomele lokunjalo. Bani seVini, kusihlwa, Nkhosi, futsi usigeze ngemanti eLivi, sisachubeka nekulindza. EGameni leNkhosi Jesu, siyakucela. Amen.

Ningahlala phansi.

⁶ Kubingeleta kuMnaketfu Searles, nasemhlambini weNkhosi lohambako lapha ekugcineni kwalelidolobha. Ngiyajabula kakhulu kuba lapha kusihlwa, kwabelana lesikhatsi lesi senhlanganyelo nani, bangani bami labatsandzekako. Futsi ngyabona labanengi bemile. Siyetsema nje kutsi singeke sibe kadze kakhulu, uMlayeto lomncane lovela eNkhosini, futsi ngesikhatsi lesikhulu kutsi sihlangane ndzawonye. Futsi ngicabanga kutsi ngike ngahlangana nemnaketfu phambilini,

ndzawanatsite. Futsi ngiyati kutsi bengibati buso bakhe, kodvwa ligama livakala lijwayelekile kimi.

⁷ Futsi ngako tsine, kwayo yonkhe imphi yinye lenkhulukati yemasotja aNkulunkulu, nifole nicondze ngasekuncobeni kwekugcina ekupheleni kwemgwaco. Nakini nine maKhristu lenilapha, nihamba, kuthula kwaNkulunkulu akube kini.

⁸ Futsi ngiyetsema kutsi Nkulunkulu utobusisa lelibandla lelincane. Futsi kwangatsi lingakhula libe ngulelikhulukati, libandla lelikhulu lapha, onkhe emalunga agcwaliswe ngaMoya loyiNgewe; futsi siwulalele kakhulu uMoya, kutsi sono singeke nje sesingene eminyango ngaphandle kwekutsi ubitwe nguMoya loyoNgewe. Ngulolohlobo lwelibandla lesilifunako, futsi silwela kute sibe nalo. Ngikholwa kutsi letotintfo tingenteka.

⁹ Futsi manje kungenteka, futsi, kutsi uma nje sitotinikela kuNkulunkulu, futsi silalele Livi laKhe, futsi sikholwe kuJesu ngayo yonkhe inhlitiyo yetfu, Ngikholwa kutsi kuyofika liBandla kutsi lapho letotintfo tiyokwenteka khona. Ngiyati kutsi bekungaba kulamba kwe—kwayo yonkhe inhlitiyo yemshumayeli, kutsi bangene ebandleni leligewaliswe kakhulu nje ngeBukhona baNkulunkulu, futsi—futsi wonkhe umuntu ngekuvana nje kakhulu naMoya, kute kungabikho sono, lilunga linye lelingeke likhone kwenta sono. Kwatsi nje masinyane bangangena lapho, bebayokwati kancono kunekutsi bete ebukhoneni balelobandla, nalesosono emphilweni yabo. UMoya loyiNgewe bewungakubita kuvakale ngco, khona manje, futsi utsi, “*Nguloku lokungiko.*” Manje, nayo indlela lesifanele sibe ngayo, bangani. Ngulolohlobo lwelibandla. Futsi silwela loko, bazalwane, asinjalo na? Sonkhe silwela leyontfo, futsi siyetsema futsi siyetsema.

¹⁰ Nenhoso yami lapha ePhoenix kutoba neMadvodza labosomaBhizinisi labangemaKhristu engcungcutheleni. Bebanemoya lomuhle kakhulu, uMnaketfu Williams lapha, kutsi bahambe batungelete lesicuku lesi sebazalwane labakahle, etinhlanganweni letehlkene, nakanjalonjalo. Nemabandla lamancane eveni lonkhe lapha, nani bazalwane, nibe kahle kakhulu kutsi ningingenise, kutsi ngibe nalenhlanganyelo nani. Ngijabula kakhulu ngako, ngoba ngiyayitsandza mbamba inhlanguyelo nebazalwane bami. Ngicabanga kutsi Jesu watsi, “Bati kanjalo-ke bonkhe bantfu kutsi nibafundzi baMi,” niyati, uma—uma lutsandvo lwaKhe luhlanganyela lomunye nalomunye.

¹¹ Sibe nebusuku lobutsatfu manje. Futsi itolo ebusuku besisentasi ebandleni leMnaketfu Outlaw, futsi sibe nesikhatsi lesimnandzi lapho, nasetulu eTempe. Bese-ke ngalapha ku... Ngi—ngiyajikiswa, futsi angati kutsi ngikuphi. Ngalapha, ndzawanatsite, emuva e—enshonalanga ePhoenix lebesingyo,

busuku bekucala. Futsi kusasa ekuseni, ngicabanga kutsi, ngensimbi yelishumi nco, kukaMnaketfu Fuller.

¹² Futsi kusasa ebusuku kuseFaith Temple e-Indian Road, ngiyakhola, noma eIndian School Road, noma lokutsite. Ngihlangahlangene ngako konkhe. Kuyini na? [Lomunye umfo utsi, “McDowell Road.”] Umhl.] McDowell? [“McDowell Road.”] McDowell Road. Ifaith Tabernacle kuMcDowell Road. O, hhe! I-Indian School Road. Akusiyo yini intfo letsite? Ngabe yiKhalvari...? [“IFellowship Tabernacle.”] IFellowship Tabernacle. Sengihlangahlangene ngako konkhe. Ngimvile Billy angitjela, aphuma, manje, “IFellowship Tabernacle.”

¹³ Futsi, kodvwa manje, nine bantfu kuyenu...lapha endzaweni yenu yekusebentela, kukusasa ekuseni nakusasa ebusuku. Niyakukhumbula loko. Silapha nje sivakashile. Asifuni kutsi nisuke ebandleni linye niye kulelinye. Sitohlangana sodwva ngalesinye sikhatsi evikini lelitako futsi, niyabona, futsi sihlanganyele ndzawonye. Kodvwa indzawo yakho yekusebentela isebandleni lakho. Ngikhola kutsi wonkhe umKhristu ufanele eme ngasendzaweni yakhe ngalesosikhatsi.

¹⁴ Ngako bengikhuluma nemnaketfu lapha namuhla, uMnaketfu Sharrit, umngani loligugu wetfu sonkhe, lesimatiko sonkhe, John Sharrit, nje i-inkhosana yemuntfu. Futsi watsi, “Mnaketfu Branham, bengihlala ngikuva njalo utsi bewuta enShonalanga ngalelinye lilanga, kutsi uhiale.”

¹⁵ Futsi ngatsi, “Yebo, lifindvo lekugcina lelingibophela emphumalanga selihambile manje: make wami. Futsi uye ekhaya kutsi ayoba naJesu, etinsukwini letimbawla letendlulile. Namake wemkami sewashona naye.”

¹⁶ Ngako kuliciniso, sifuna indzawo yekuhlala. Futsi—futsi uma bekungenteka siye ngaseTucson, ePhoenix, iNkhosi isiholela ngalapha, Ngingeke ngifune kucala libandla. Cha, mnumzane. Beningeke ngikwente loko. Kodvwa nginga... Ngisitfunywa senkholo. Bese kutsi-ke uma ngingena, ngitsanza kusuka ebandleni ngiye ebandleni, ngenhlanganyelo lenjengaleyo. Futsi ngibe ne...

¹⁷ Ngicabanga kutsi ninalamanye emabandla lakahle lapha. Futsi nje si...Sinalamanengi emabandla. Sidzinga nje kuwatfulula, bese siyawagcwalis. Nguloko kuphela. Nguloko lesikudzingako. Yebo. Senta nje—nje loko, ngoba uma umuntfu acala libandla lelisha, uma lisekhatsi noma ngabe likuphi, khona-ke, niyabona, kubophelelekile kudvonsa kancane lapha nalaphaya. Futsi leyo akusiyo i—intfo yekutsi yentiwe.

¹⁸ Ngako uma iNkhosi ingangihola, ngifuna bazalwane batu kutsi bekungeke kube kwalelinye libandla. Beningeke nje ngikwente loko, nhlobo. Niyabona na? Kutobe nje kutofika lapha

kutohlanganyela nani nonkhe, nonkhe, futsi ngibe nesikhatsi lesimnandzi eNkhosini.

¹⁹ Manje, ke, ningawakhohlwa emaDvodza labosomaBhizinisi, emaDvodza labosomaBhizinisi eFull Gospel. Lamadvodza lawa lentiwe ngiwo onkhe emabandla enu. Nenhlanganyelo icala ngaLesine lotako kusihlwa, ngiyacabanga. Ngabe kunjalo, Mnaketfu Williams na? E, enhla eRamada emphumalanga eVan Buren Street. Futsi manje, kutoba netikhulumi letitsite letinkhulu ekhatsi lapho letita kulomhlangano. Futsi ngi—ngifuna ngempela kuwungenela, cobo lwami, kuva labobantfu. UMnaketfu Velmer Gardner, kumunye, sikhulumi lesigcamile, nalabanengi labanye bebazalwane. Labanye bosomabhizinisi lengingakaze ngibeve namanje, batisi nje tikhulumi letimangalisako. Futsi ngijabula kakhulu kubeva, noma litfuba lekubeva. Ngako sibheke kuhlangana nani nonkhe etulu lapho.

²⁰ Bese-ke, iNkhosi itsandza, ngiyacabanga, uma kuhleleka ngaleyondlela, Ngitoba neliblakufesi langeMgcibelo ekuseni, futsi ngikhulumbe kuleloblakufesi. Futsi-ke, ngiyakholwa, ngeliSontfo lelilandzelako ntsambama, emhlanganweni wantsambama. Futsi ngiyetsema kuhlangana nani lapho ngalesosikhatsi, nonkhe nine bantfu labaligu.

²¹ Manje, angifuni kunihhalisa sikhatsi lesidze kangaka, ngoba niphuma kusenesikhatsi kusihlwa. Ngoba, sifanele siphume ngensimbi yelishumi nakubili noma kunye, kute nikhone kubuyela kuSontfo sikolwa ekuseni. Singeke sikhwente loko. Si...Lomhumushi lapha watsi, “Loko akukho kutilandvulela.” Bantfu lapho, futsi ngibone kumamatseka lokuncane kuvela ebusweni bemuntfu. Cha. Sitosheshisa sichubeke ngco manje, kwemavi lambalwa nje ekuzindla ngeLivi. Futsi ngihle ngiba ngumshumayeli lotsandza kwelula, ngiyacabanga.

²² Futsi ngesikhatsi ngifikasi emkhatsini webazalwane bami bePhentekhostali, eminyakeni leyendlula, ngesikhatsi ngicala kufika nje, libandla leBaptisti, Ngangivamise kucabanga kutsi ngangingumshumayeli sibili, niyati, ngifaka liBhayibiheli ngaphansi kwemkhono wami. Futsi ngalelinye lilanga ngefika emkhatsini webantfu bePhentekhostali, neMfund. Mnumz. Daugherty, ngangihambe ngehlela kuyomuva ashumayela. Hhe, bekashumayela aze alahlekewa ngumoya, agobe emadvolo akhe, bese udvonsa umoya. Wawungamuva cishe khashane ngemabhlidi lamabili. Abuye akhuphuke, ushumayela futsi. Ngangikucaphela lengakusho ngako, ke, kwami.

²³ Ngalandzela nje nami, ngase nami ngihamba kancane. Futsi ngingumNingizimu, kwekulala nje, futsi ngiyabina kwekulala, futsi niglihala ngishiywa sikhatsi. Futsi ngako ngibeketeleleni imizuzu lembalwa nje, futsi ngitosheshisa ngalokukhulu kushesha lengingakwenta.

²⁴ Kordova ngiyetsema kutsi iNkhosi itosinika intfo letsite lencane lapha ngaseVini laYo, kutsi kutosisita sonkhe kutsi sisondzele kakhulu kuYe.

²⁵ Manje, ngale kuMalakhi, sahluko se 3, nesigaba sekucala livesi le 6, ngifuna kutsatsa kufundza.

Ngoba NgiyiNKHOSI, Angigucuki; . . .

²⁶ Ngifuna kutsatsa sifundvo lesincane, uma kuyitfokotisa iNkhosi, lesibitwa ngekutsi, “Nkulunkulu longaguculeki usebenta ngendlela lengakalindzeleki.” *Nkulunkulu Longaguculeki Asebenta NgeNdlela LengakaLindzeleki.*

²⁷ Manje, siphila esikhatsini lesintjintjako. Yonkhe intfo iyagucuka. Yonkhe nje intfo longayibuka futsi uyibone ngemehlo akho, iphuma emhlabeni, futsi iyaphatseka, futsi icala kugucuka.

²⁸ Etinsukwini letimbalwa letendlulile, ngesikhatsi ngicala kufika ePhoenix, ngi. . . Kuvakasho kwami kwekalala ePhoenix kwakuyiminyaka lengemashumi lamatsatfu nesihlanu leyendlula, kuleNyoni letako. Futsi ngahlala elugwadvule, kuse 16th naHenshaw. Futsi ngehlela lapho, futsi ba. . . lendlu ayisekho. Kukhona ligaraji lekwetsa, nelidolobha lihleti lapho. Phindze futsi umgwaco sewushintjiwe kusuka eHenshaw kuya—kuya kuBuckeye Road. Leni, bekungake kuze kube nendlela yekuwutfolu, uma bewungeke kwenteke ubuta bute. Naloko kwenteka eminyakeni lengemashumi lamatsatfu nesihlanu. Yonkhe intfo yehluke kakhulu.

²⁹ Ngiyakhumbula ngiphuma lapho umsebenti lomkhulu waSalt River Valley u. . . umfo lomncane nami sigibebe emahhashi, sicosha timbongolo. Manje, yindzawo yekuphumula entasi lapho. Ngako iPhoenix seyikhule kusukela entsabeni kuya entsabeni. Igcwele lonkhe lelive, futsi kuyi. . . Sekube nengucuko impela. Kungaba luhkuni kutsi wati indlela yakho yonkhe indzawo. Uma ngifikasi lapha, ngicabanga kutsi linani lebantfu belifika emashumini lamatsatfu nesihlanu noma emashumi lamane etinkhulungwane tebantfu. Namuhla nguhhafu wesigidzi. Kutsi lendzawo igucuke kanjani, kuyakhombisa kutsi kuhamba kahle netikhatsi. Intjintja nje njengoba sikhatsi sintjintja. IPhoenix iyantjintja. Letinye tindzawo tiyantjintja.

³⁰ Khona-ke futsi siyati kutsi leyomigwaco, ngiyacaphela, leyo lentjintjile. Lemigwaco lowawuvamise kungena kuyo, ayisangeni. Ayisekho lapho. Seyihambe ngalenye indlela. Utama kulandzela umkhondvo lowake wangena ngawo, uyalahleka, ugijimele elugwadvule ndzawanatsite. Ngako imigwaco seyigucukile. Emadolobha ayantjintja. Netembusave setintjintjile. Tiyantjintja njalonjalo, umnyaka nemnyaka. Tepolitiki tiyantjintja. Netive tiyantjintja. Tive, umnyaka

ngemnyaka, tiyantjintja. Bantjintja simo sabo sekutiphatsa. Bantjintja luhlelo lwabo.

³¹ Futsi ngiyacaphela tinhundla tiyantjintja, njengetindzawo. Bajuba tihlahla temapulango. Badzilita intsaba.

³² Futsi bona entasi eFlorida, baphuma . . . Uyahamba uyentasi futsi uhambe ngaselugwini, futsi, nawuya kwekucala lentasi lapho, kute ngisho yinye intfo, ngemanti elugu nje. Sikhatsi lesilandzelako, besebacedzile kwenta sichingi lengaphandle ndzawanatsite, futsi sebanemiti lemisha leyakhiwe khona. Benta tichingi letentiwe ngumunfu, bafaka ipampu lenkhulu phansi elwandle futsi badvonsa emanti futsi bayawafutsa, futsi ke bese bayalinganisa ngemabhuchoza netintfo, futsi bamisa lidolobha etikwaso, nemiti letsita, kwakha lesichingi.

³³ Bachumisa sicongo setintsaba ngephandle lapha, lapho, kubukeka kwangatsi, kulukhuni kutsi umgwaja angakhona kuhamba. Futsi bane—bane tindlu ngetulu lapho, letilinganiselwa kumadola latinkhulungwane letilikhulu. Tinhundla tiyantjintja.

³⁴ Futsi siyacaphela, bantfu bayantjintja. Sekubenjalo kutsi bantfu namuhla abasinjengoba bebabamise kuba njalo. Angati noma niyakucaphela yini ngephandle lapha noma cha, kodvwa impela siyakucaphela emuva eNingizimu naseMphumalanga. Bantfu bayantjintja, umnyaka ngemnyaka. Bajake kakhulu. Bafanele nje bajake futsi bente *luku*. Futsi bagijima behla ngemgwaco, emakhilomitha lalikhulu nemashumi lasilhanu ngeli-awa, ngekulandzelana dvutane, bese bayema lakutsengiswa bhiya khona futsi banatse, ema-awa lambadlwana, ngaphambi kwekutsi baye ekhaya. Yingucuko, bajakile. Bayaphi na?

³⁵ Niyacaphela, linengi lebesifazane namuhla linemishini yekuwasha, nema-ayina agezi, futsi nemishini yekuwasha titja lenemabhathini lafacatwako, nako konkhe lokunye lokunjalo; bese noko baneskhati lessincane sekukhuleka kunalesi lebake babanaso.

³⁶ Niyati, Susanna Wesley bekanebantfwana labalishumi nesikhombisa. Futsi yena, nalabobantfwana labalishumi nesikhombisa, akha emanti emtfonjeni, futsi awasha ngetandla takhe. Kepha noko bekakhona kutfola ema-awa lamabili noma lamatsatfu, ngelusuku, kukhuleka nebantfwana bakhe, nebafo labancane labalishumi nesikhombisa. Futsi lapho kuvela Johane naCharles.

³⁷ Nguleyo indzaba namuhla, sizatfu sekutsi tikolwa tetfu tiyekelela, akukho bashumayeli labangenako, tinsizwa letikhatsalele. Sidzinga labanye futsi, bobabe labakhulekako nabomake nguloko lesikudzingako, kwenta tikolwa tetfu tigcwale. Inhlitiyo yetinsizwa ivutsa ngenshisekelo kutsi

kutsatse liVangeli nguloko lesikudzingako. Kodvwa tintfo tiyantjintja.

³⁸ Besingachubeka kancane, kubantfu, futsi sikulets ebandleni. Libandla liyantjintja. Siyakutfola, kutsi emabandla etfu ayantjintja. singiko mbamba, kakhulu nom a kancane. Ngikhulumu ngemhlabawonkhe manje. Kutsi, sinjalo kakhulu, kubonakala kunjalo, sikhatsalele kakhulu kutfola tinombolo kunekutfola bantfu basindziswe. Kubukeka nje kwangatsi wonkhe umunfu ufunu kutfola sibalo lesikhulu kunato tonkhe, nom a abe nelibandla lelikhulu kunawo onkhe, nom a sakhiwo lesikhulu kunato tonkhe, nom a sente lihlelo lelikhulu kunawo onkhe, nom a—nom a intfo letsite, esikhundleni sekucabanga kwemphefumulo lolahlekile tatane. Loko kubi kakhulu, kodvwa kunalabanengi kakhulu betfu labenta loko.

³⁹ Ngeva umvangeli lowatiwako, uMnaketfu Billy Graham, ngesikhatsi aseLouisville, eKentucky. Ngamenywa, naDkt. Mordecai Ham, umngani wami sicu, kutsi Billy wasindziswa ngaphansi kwekushumayela kwakhe. Futsi ngamenywa kutsi niglihale eblakufesini nabo. NeMnumz. Graham, ngekukhulumu kwakhe lokunemandla, watsi, “Ngiya edolobheni, futsi ngitoba ne...niglihale lapho emaviki lasifupha.” Watsi, “Ngitoba mhlawumbe nebantfu labatinkhulungwane letingemashumi lamabili labatokwenta kuvuma kwabo—kwabo.” Futsi watsi, “Ngitowatfola onkhe emathikithi abo, nakanjalonjalo, futsi ngibanike bafundisi.” Wase utsi, “Bese-ke lomunye umnyaka uyabuya,” watsi, “Ngitohamba ngijkeleta. Futsi lapho nganginalanabaphendvukile labatinkhulungwane letingemashumi lamabili, ngesikhatsi ngilapho ngalowomnyaka, ngemnyaka lolandzelako angikhoni ngisho kutfola emashumi lamabili.” Watsi, “Yini indzaba na?” Futsi yena...

⁴⁰ Ngingehluka kancanyana nje. Kungesiko kwehluka kulowomvangeli lomkhulu, uMnumz. Graham, impela cha. Kodvwa indlela lakuchamukela ngayo, ngekutsi, “Yini indzaba?” Futsi wakhomba umuno wakhe ngephandle, watsi, “Bashumayeli labanengi kakhulu labavilaphako,” watsi, “hlala lapha netinyawo takho etikwelideski, lesikhatsi sasemini nebusuku, futsi ungawatsatsi lamakhadi bese uyalandzeleta.”

⁴¹ Watsi, “Ngesikhatsi Pawula alapha, wangena edolobheni futsi bekanamunye lophendvukile; futsi abuye ngemnyaka lolandzelako, bekanemashumi lamatsatfu nom a emashumi lamane ngalowo munye. Bekanebatukulu-bakhokho-bakhokho-bakhokho-bakhokho ngetulu kwako, niyabona.” Futsi watsi, “Nginetinkhulungwane letingemashumi lamatsatfu, futsi ngibuye; nom a tinkhulungwane letingemashumi lamabili, ngibuye futsi angiwatfoli emashumi lamabili.”

⁴² Yebo-ke, kungahle kube kwakungenca yekutsi ngyiyiphentekhostali. Futsi, kodvwa bengifuna kusho loku

kabi kutsi ngangingakhoni kuthula. Kodvwa ngacabanga, “Ngumuphi umshumayeli lovilaphako aphakamise tinyawo takhe ebhentjini ngesikhatsi Pawula amenta asindziswe na?” Niyabona na? Kwakungulowo lophendvukile, cobo lwakhe, lowaholwa wajula ngalokwenele kuNkulunkulu waze wabamba.

⁴³ Futsi uma umuntfu impela abamba Nkulunkulu, Nkulunkulu ungena enhlitiyweni yemuntfu. Ungakhatsateki, tinhlase titobe tindiza ndzawo tonkhe, ngoba ujule ngalokwenele kuNkulunkulu, futsi yonkhe imphilo yakhe isimiswe futsi yasekelwa kuKhristu, niyabona. Ngako-ke, siyati kutsi akusibo nje bashumayeli labavilaphako. Kungenca yekutsi lo—loolphendvukile akajuli ngalokwenele aze alahlekelwe kubona kwelive netintfo telive. Uma ake asondzele ngalokwenele kuNkulunkulu, akakwenti loko.

⁴⁴ Kodvwa sitfola kutsi emabandla ayantjintja nebantu bayantjintja. Imigwaco iyantjintja. Tinkhundla tiyantjintja. Tembusave tiyantjintja.

⁴⁵ Kodvwa kunentfo yinYe lengagucuki, lowo nguNkulunkulu. Uhlala angulofanako. “NginguNkulunkulu, futsi angigucuki.” Akunandzaba kutsi kukangakanani, Nkulunkulu akakaze agucuke nakancane, futsi Angeke agucuke. Indzawo lenje pho! Sizatfu Angeke agucuke kungoba Nkulunkulu ungulongenasiphetfo, futsi noma yini lengenasiphetfo ingeke igucuke.

⁴⁶ Bese-ke asidadishe loku umzuzwana nje ngaphambi kwekusondzela singene emBhalweni. Longenasiphetfo ungulongenasiphetfo, akukho—akukho kucala noma akukho siphetfo. U—Ungumninimandla, lonemandla onkhe, losetindzaweni tonkhe, lowati konkhe; wati tintfo tonkhe, tindzawo tonkhe, ngato tonkhe tikhatsi, lonemandla onkhe. UnguNkulunkulu, futsi Angeke agucuke.

⁴⁷ Manje, ngingenta sincumo, futsi ngitsi kutoba *ngalendlela*. Futsi nginesiphetfo. Ngitodzingeka ngigucuke, ngoba tintfo tivela kuloko, mine, ngitodzingeka ngitsi, “Yebo-ke, bengineliphutsa.”

⁴⁸ Kodvwa Nkulunkulu angeke akwente loko, ngoba sincumo saKhe sinye singuloko ingunaphakadze. Angeke atigucule tincumo taKhe. Angeke atigucule.

⁴⁹ Ngako-ke, uma simo sekutiphatsa saNkulunkulu mayelana nesoni sinye futsi sasifuna kuphendvuka, Adamu na-Eva, naNkulunkulu wabentela indlela kutsi baphendvuke, futsi Wasitsetselela lesosoni; nesoni lesilandzelako siyefika, Nkulunkulu utofanele ente intfo lefanako kulesosoni, noma Wenta liphutsa ngesikhatsi Enta ngesoni sekucala.

⁵⁰ Futsi uma umuntfu agula, naNkulunkulu waphilisa umuntfu munye; bese-ke uma umuntfu ake ete kuNkulunkulu, Utوفanele

ente intfo lefanako, noma Wenta liphutsa ngesikhatsi Aphilisa lowekucala, uma efika emhlabatsini lofanako.

Indzawo yekuphumula lenje pho yemphefumulo lofuna siphelohelo!

⁵¹ Manje, “Ekucaleni bekakhona Livi, naLivi bekakuNkulunkulu.” Manje, siyatibuta kutsi u—umhlaba uke wefika kanjani lapha. Niyabona, li—Livi laNkulunkulu ladala umhlaba. EmaHebheru 11 ayasitjela, kutsi, “Umhlaba wentiwa ngetintfo letingabonakali.” Niyabona na? Nkulunkulu wakukhuluma kwaba khona, ngoba BekanguNkulunkulu. Watsi nje, “Akube khona,” futsi kwaba njalo. Ngako-ke, uma...

⁵² Ekucaleni bekakhona Livi, futsi Livi lelakhulunywa laliLivi lelidalako, nalolonkhe Livi lelikhulunyiwe lingeke libuyiselwe emuva, kube liphutsa. Khona-ke, “Ekucaleni bekakhona Livi, naLivi bekakuNkulunkulu, naLivi bekanguNkulunkulu. NaLivi waba yinyama, wakha emkhatsini wetfu,” lokunguKhristu.

⁵³ Futsi manje Livi laNkulunkulu, lelibhalwe eBhayibhelini, Livi laKhe kitsi. Futsi sonkhe setsembiso sinemandla lafanako endalo emvakwaso, kutsi Livi laNkulunkulu lentiwa ekucaleni, uma siLikholwa kutsi liLivi laNkulunkulu. Kuya ngekutsi imbewu iwela kuphi. Uma Iiwela emhlabatsini, u—umhlabatsi longadala. U—umswakama, noma kunakekeleka, ngasesitsembisweni saNkulunkulu, utoveta sonkhe setsembiso liBhayibheli lelasenta. Kufana nje...Ngani, simo sengcondvo lesikahle kunoma ngusiphi setsembiso sebuNkulunkulu saNkulunkulu siyosenta sifezeke, uma nje utolibuka, futsi unakekele Livi kahle nje. Ngoba Nkulunkulu longenasiphetfo wakukhuluma: Livi laNkulunkulu.

⁵⁴ Jesu watsi, “Emazulu nemhlaba kutawendlula, kodvwa Livi laMi lingeke lendlule.” O, sifanele siphumule kanjani etikwalesosetsembiso sebuNkulunkulu seNdvodzana yaNkulunkulu, Lowatsi, “Kokubili emazulu nemhlaba kutawendlula, kodvwa Livi laMi lingeke lendlule.” Kunendzawo yekuphumula yemphefumulo.

⁵⁵ Manje, Jesu watsi, eVini. Jesu watsi, “Uma nicela kuBabe noma yini eGameni laMi Ngitolwenta.” Kodvwa ngaletinye tikhatsi, uma Nkulunkulu aphooncela intfo letsite futsi ente intfo lesiyicelako, noko asi...Kufika ngendlela lengakalindzeleki, futsi ngaletinye tikhatsi endzaweni lengakalindzeleki, nangesikhatsi lesingakalindzeleki. Kodvwa Nkulunkulu utophendvula ngendlela yaKhe luCobo, uma nje utokukholwa. Niyabona na? Niyabona na?

⁵⁶ Ufanele ukukholwe, ukwemukele, bese-ke ungakubuviseli emuva. Bambelela kuko. Kubambeni, bese utsi, “Ngiko loku. Nkulunkulu wakusho. Loko kuyakucatulula. Uma Nkulunkulu ashito njalo, loko sekuphelile, akunandzaba kutsi sikhatsi lesingakanani.” Kungahle kube kwakukadze

kungekho nalinye li-molekhuli lelibakhona ngesikhatsi Atsi, “Akube khona” kwemhlaba. Kodvwa, Yena, UPhakadze. Futsi emvakwesikhashana, uba ngema-molekhuli nema-athomu. Futsi kwenyuka, ngoba Wakusho kutsi kube ngaleyondlela.

⁵⁷ Futsi nasi setsembiso, futsi, lesingasicabanga. Uma Yena, Lowo lowasho loko, ufeze lonkhe Livi, khona-ke Utoba nelibandla lelitobonakala embikwaKhe, lelingenabala noma sici. Futsi kutosibita, mnaketfu, dzadze, kuciniseka sibili kutsi sihambisana naNkulunkulu, bese-ke ngoba kutobakhona liBandla, futsi sifuna kuba yinceny'e yaleloBandla.

⁵⁸ Akunandzaba kutsi loku kuyini lapha emhlabeni, sifuna liDolobha uMakhi neMenti walo kunguNkulunkulu. Futsi singeke sikhone kulahlekelwa nguloko. Noma ngabe yini loyentako, ungakukhohlwa loko. Akunandzaba kutsi makhelwane wentani, kutsi lomunye umfo wentani, kutsi lofundza naye wentani, noma kutsi indvodza yakho, noma umkakho, noma ngubani lomunye. Lu—ludzaba lolucondzene nawe naNkulunkulu. Ufanele, ufanele nje ufune leyonsindziso.

⁵⁹ Babe wakho angahle kube bekayindvodza lenkhulu, make wakho indvodza lenkhulu, kodvwa kutsiwani ngawe na? Niyabona na? Niyabona na? Nguwe. Ufanele ube nako, wena lucobo. Kulungile.

⁶⁰ Manje, ngesikhatsi Jesu atsi, “Uma nicela kuBabe noma yini eGameni laMi, Ngitolwenta.” Manje, loko nje kuphansi ngco kusukile ehломбе. “Ngitokwenta.” Futsi Beka...Manje, kusemibandzeleni, “Uma nitokholwa uma nicela.”

⁶¹ Manje, kuMakho 11:22, sitfola kutsi Jesu watsi, “Uma utsi kulentsaba, ‘Cukuleka uphonseke elwandle,’ futsi ungangabati, kodvwa ukholwe kutsi lolokushito kutofezeko, ungaba nako lolokushito.” Niyabona na?

⁶² Manje, manje, intfo, bewungeke nje uphume lapha bese utsi, “Ntsaba, yehla.” Ufanele ube nenjongo nenhoso kuloko, niyabona. Futsi loko, ufanele utfole, kucala, uma kuyintsandvo yaNkulunkulu, bese-ke kuba yinjongo yakho nenhoso entsandvweni yaNkulunkulu. Bese-ke ukhulumna nasso, futsi ume lapho. Sitokwehla, ya, niyabona, uma ulungisa timo. Kodvwa ufanele ube netimo letikahle.

⁶³ Manje, nifanele nikhumbule, futsi, kutsi, uma Nkulunkulu aphendvula, ngalesiny'e sikhatsi kungendlela lengakalindzeleki. Akaguculeki, kodvwa Wenta tintfo ngetindlela lettingakalindzeleki. Manje, ake sibite li—licala noma lamabili, ngaphambi kwekutsi sichubeke.

⁶⁴ Ake sicabange ngaMosi. Ngiyatsandza kudadisha Mosi. Bekayindvodza lelichawе sibili, futsi wasinika liThe testamenti leLidzala, ngemandla aNkulunkulu.

⁶⁵ Futsi tikhatsi letinengi labancikati batsi, “Manje, Mosi wabhala Loko, futsi sati kanjani kutsi Kucinisile na?”

⁶⁶ Yebo-ke, ungabuyela emuva futsi ufakazele kutsi kucinisile. Futsi uma Lowo lobekangasho loko lobekungiko, futsi, noma kuyoba yini, nekutsi kwakutokwentekani emvakwakhe, naloko kufezeke, khona-ke ngikholwa kutsi loko kwakucinisile, futsi, niyabona. Niyabona na? Njengekutsi nje uma—uma singema lapha e...ebandleni, naMoya loyiNgewe angabuyela emuva phansi emphilweni yakho futsi akutjele kutsi bekuyini, futsi uyati noma ngabe loko kuliciniso noma cha. Yebo-ke, uma watı, futsi watı kutsi lelo liciniso, khona-ke impela bewungakukholwa loko Lakutjela kona kutofezeka, kutoba lapho, ngoba *loku* kuyafakaza *ngaloko*. Niyabona na? Futsi loko kuliciniso.

⁶⁷ Futsi ngako siyabona, njengabofakazi, bemaHebheru 11 netindzawo letinengi eBhayibhelini, kutsi emachawe ekukholwa ngulabo labahlala nesetsembiso saNkulunkulu. Hlala lapho nje, akunandzaba kutsi noma ngubani lomunye utsini, naNkulunkulu utokupha kona ngesikhatsi saKhe lucobo lesihle.

⁶⁸ Manje, Mosi wehlela eGibhithe, noma bekaseGibhithe, njalo. Watalwa entasi lapho. Umntfwana lokahle, batali bakhe niyabona kutsi bekanguye, wabona kutsi bekanguye. Futsi bebangawesabi umyalo wenkhosi.

⁶⁹ Kwase kutsi-ke ngesikhatsi, Mosi, afundziswe ngumake wakhe! Thishela lokahle kanje pho, make wakhe lucobo, futsi bekakhona kumcocela tindzaba. “Mosi, uyindvodzana yami, kodywa watalelwa inhoso letsite. Futsi Nkulunkulu utokusebentisa ngalelinye lilanga kukhulula Israyeli.”

⁷⁰ Futsi emvakwekufa kwa—kwamake wakhe loligugu, khona-ke ngicabanga kutsi Mosi uba ngumbusi lomkhulu, noma lolandzelako kuFaro lapho, bekayindlalifa esihlalwени sebukhosı. Bese-ke ngalelinye lilanga wavela bomnakabo.

⁷¹ Futsi kuva ngalesinye sikhatsi ngentfo letsite, noko, ngisho noma sitivela, sifanele sente ngendlela yaNkulunkulu, kutsi ngalokufanele sitfole umsebenti wente. Impela.

⁷² Manje, ngikholwa kutsi Nkulunkulu unemusa etikwabo bonkhe labalambile nalabahluphekako, futsi—futsi sinato tonkhe tinhlobo te—tetinhlangano kondla labalambile netintfo. Ngikholwa kutsi leyo yintfo lemangalisako. Kodvwa noko umsebenti longiwo sibili liVangeli. Lowo ngumsebenti sibili, liVangeli, kutsatsa liVangeli.

⁷³ Manje siyatfola, kutsi, emvakwekuba atitfole asehluleki, emisebentini yakhe lucobo. Ngoba, bekayindvodza lekhaliphile, indvodza yetemphi. Futsi bekangiyo. Bekatfole sehluleki. Khona-ke wa—wabaleka emsebentini, waphumela ehlane futsi bekangehandle lapho iminyaka lengemashumi lamane. Futsi

bekakadze anemfati, nakanjalonjalo, nebantfwana bakhe, noma umntfwanakhe, njalo, Gereshomu.

⁷⁴ Manje, intfo lengakejwayeleki kutsi, nelubito lwaNkulunkulu emphilweni yakhe, sengiyacabanga nje kutsi Mosi bekangakhoni kubaleka kuloko; akazange sekakhone.

⁷⁵ Futsi kungahle kubekhona bantfu lapha kusihlwa labalalele ngco kitsi, kutsi phansi emphilweni yakho, ndzawanatsite, wativela kutsi kukhona lubito emphilweni yakho, futsi awukaze nje ukulalele. Uyoba lusizi kuphela nje uma usaphila, uze ulalele loko kuphila.

⁷⁶ Khona-ke akungabateki kutsi kunebantfu lapha kusihlwa lebebefuna Moya loNgewe iminyaka. Futsi wena utsi nje, "Yebo-ke, a—angati. Ngifanele ngiMemukele. Ngi..." Yebo-ke, awuyuze, awuyuze weneliseke uze wente, niyabona, ngoba wancunyelwa loko. Futsi manje ufanele ukwente loko intfo yekucala emphilweni yakho. Nomangabe uyadla futsi, noma uyanatsa futsi, noma uyalala futsi, noma ngabe yini loyentako, ufanele ukutfole Loko. Kunjalo. Loko kufanele kube yintfo yekucala. Nguloko-ke. Hlala nje ngco nesetsembiso saNkulunkulu. Wakwetsembisa Kona, ngako hlala nako ngco, niyabona, naNkulunkulu utokufeza.

⁷⁷ Manje, futsi Angahle akwente ngesikhatsi lesingakalindzeleki. Wena utsi, "Yebo-ke, Mnaketfu Branham, bengisolo ngisebenta kamatima namuhla, futsi ngitsite kukhatsala kancane. Futsi angikaze ngitivele ngikahle tinsuku letintsatfu noma letine." Leso kungahle kube ngiso lesikhatsi nje. Niyabona na? Awati kutsi kutokwenteka nini.

⁷⁸ Ngingake ngime kangakhi, futsi tinsuku ngicoca ngelwati, uma ngiya emahlatsini, kuyofuna iNkhosi, kutsi ti—tinchachabutane tingiinhwebhe, netinyoni tingicansule, netimbuzulwane tingilume. Loko kungesikhatsi nje Nkulunkulu alungiselela kwenta lokutsite, ngaso lesosikhatsi. Nje uma—nje uma intfo letsite ibonakala kwangatsi yonkhe yayingakalindzeleki, khona-ke Nkulunkulu utsatsa indzawo, uyabamba.

⁷⁹ Manje bukani Mosi. Mosi, lomelusi wetimvu lomdzala lomkhulu manje, bekasavele aneminyaka lengemashumi lasiphohlongo budzala. Bekanemashumi lamane ngaphambi kwekutsi atsatse sincumo sakhe sekumela Nkulunkulu. Waseke welusa timvu ngephandle lapho, futsi ngiyacabanga bekaneminyaka lengemashumi lamane elugwadvule. Futsi bekasatoba likhehla, mhlawumbi emadzevu amphunga, naletindze tinwele letimpunga letiphephetelako. Futsi nangu lapha, hhayi ebandleni; bekangaphansi kweNtsaba iHorebe. Futsi Nkulunkulu akehlanga ngenshumayelo, kodywa esihlahleni lesivutsako; niyabona, sikhatsi lesingakalindzeleki, indzawo lengakalindzeleki, nangendlela lengakalindzeleki.

⁸⁰ Ngani, bekacabanga kutsi Nkulunkulu bekato hlangana naye ngephandle lapho nendvuku yakhe esandleni sakhe, noma inkemba, noma yini lakabulala umGibhithe ngayo.

⁸¹ Kodvwa Nkulunkulu wahlangana naye hhayi ngisho nasebandleni; ngaphansi kwentsaba. Nkulunkulu wahlangana naye hhayi emaculweni, kodvwa esihlahleni lesivutsako. Futsi hhayi ngesikhatsi aseyinsizwa, kodvwa ngesikhatsi sekalikhehla. Nkulunkulu wambita emvakwekuba sekaneminyaka lengemashumi lasiphohlongo budzala.

⁸² Kucabange nje. Ngako ngaletinye tikhatsi sicabanga kutsi, ngoba sinemashumi lamatsatfu nesihlanu noma emashumi lamane, noma ngabe uyini! Awusimdzala kakhulu. Unemphefumulo lotofanele uphile ingunaphakadze. Ngako khumbula nje, kuhlala kungaleyondlela: Nkulunkulu, Nkulunkulu longaguculeki, esikhatsini lesingakalindzeleki, nendlela lengakalindzeleki, endzaweni lengakalindzeleki.

⁸³ Asitsatse Jakobe. Jakobe bekagijima. Wabambeka emkhatsini wemililo lemibili. Manje bekaya ekhaya. Futsi Labani, babetala wakhe, beketa ngalendlela, emvakwakhe, ngoba umkakhe bekebe bonkulunkulu babo. Futsike utfola kutsi Esawu uyeta *ngalapha*, emvakwakhe; umnakabo, lebekamkhohlisile. Manje, leso kwakusikhatsi lesingakalindzeleki kutsi Nkulunkulu amvakashele. Kodvwa beka... Naku kuta Labani ngalendlela. Futsi naku kufika Labani uta ngalendlela, na-Esawu ngalendlela. Kodvwa Jakobe wawela umfudlana lomncane, wase-ke wehlela emsebentini. Futsi mhlawumbe kukwekucala emphilweni yakhe, wabamba lokutsite lokwakungiko sibili, futsi wakhona kubambelela kwaze kwefika sibusiso.

⁸⁴ Leso bekungaba sifundvo lesikhulu kitsi sonkhe. Uma uke wabamba lokutsite lokungiko sibili, bambelela kuko. Ungakuyekeli. Akunanzaza kutsi kukangakhi lilanga lendlula, noma ngabe kwentekani, kutsi tingakhi tinhlungu letilambile letifikako, nomayini lokunye, bambelela kuko ute ubusiswe ngiko, ute ubenesetsembiso sako. Bambelela.

⁸⁵ Wabeka umkakhe, nabo bonkhe, babakashane naye, futsi watehlukanisa, futsi wabambelela ngoba bekabanjwe emkhatsini wemililo lemibili. NaNkulunkulu wahlangana naye ngendlela lengakalindzeleki, esikhatsini lesingakalindzeleki, endzaweni lengakalindzeleki. Ngulapho la Nkulunkulu ahlangana khona naye.

⁸⁶ Isaya umprofethi, umfo lomncane, bekancike emkhonweni wenkhosi lelungile, futsi bekayindvodza lelungile. Futsi bekanetintfo tilula. Kodvwa ngalelinye lilanga inkhosu yafa. Futsi Isaya umprofethi wehlela e-altari endlini yaNkulunkulu. Futsi ngesikhatsi asakhuleka lapho, wabanjwa emkhatsini wetono takhe lucobo nembono. Futsi wamemeta kakhulu, "Maye

kimi,” ngesikhatsi abona tiNgelosi tinetimphiko etikwebuso baTo, timphiko etikwetinyawo taTo, futsi tindiza, timemeta, “Ngcwele, ngcwele, ngcwele eNkhosini.” Wakhala, “Maye kimi, ngoba ngingumunfu lonetindzebe letingcolile.” Wabanjwa esikhatsini lesingakalindzeleki, indzawo lengakalindzeleki.

⁸⁷ Wacobanga, “Ngitokwehla futsi ngisho imikhuleko yami, bese ngiyasukuma ngichubeke, ngoba bantfu bakhulwa kutsi ngingumshumayeli lokahle, noma umfundisi, noma lenye intfo letsite.” Kodvwa wabanjwa lapho. Akusiko kuphela kutsi wabanjwa kulesimo lesi nembono, kodvwa wabanjwa ngetindzebe letingcolile endlini yaNkulunkulu lophilako.

⁸⁸ O, mnaketfu, uma loko bekungahlolisisa kulelidolobha kusihlwa, nakusasa ekuseni, kwebashumayeli labatokuma futsi bakutjele kutsi ayikho intfo lekutsiwa kophilisa kwaNkulunkulu, futsi ayikho intfo lekutsiwa ngumbhabhatiso waMoya loyiNgcwele, kuyoba nalabanye futsi labakhalako “Maye kimi, netindzebe letingcolile.” Kuliciniso, yebo, kakhulu impela kunjalo.

⁸⁹ Bantfwana bemaHebheru, manje, babanjwa esimeni lesimatima nabo. Babanjwa endzaweni lengakalindzeleki, lapho bahlangana khona naNkulunkulu, kutsi Nkulunkulu ete kubo esithandweni semlilo; sikhatsi lesingakalindzeleki, indlela lengakalindzeleki. Kodvwa Nkulunkulu unguNkulunkulu longaguculeki, Nkulunkulu longaguculeki, futsi Wenta tintfo ngaleyondlela; endzaweni lengakalindzeleki, sikhatsi lesingakalindzeleki, nakanjalonjalo.

⁹⁰ Israyeli wacela inkhosu lenemandla. Bebefuna inkhosu kutsi ibakhulule. Nguloko lebebalindzele kutsi Nkulunkulu akutfumele kubo, kwakuyinkhosu, kubakhulula, inkhosu lenemandla leyayitomasha njengaDavide. “INdvodzana yaDavide iyovuka, yehle ngemavulande aseZulwini, yehlele emhlabeni ngekubingeleta kwetiNgelosi lokugcwele, naBabe bekayobuka eZulwini futsi atsi, ‘Ngitfumela entasi kini manje Mesiya.’” Futsi bebanako konkhe kulungisiwe kutsi leyo yindlela Lebekafanele ete ngayo.

⁹¹ Kodvwa batfolani ke? Batfola luswane esikhundleni senkhosi lenemandla, luswane lutalelwé e—esitebeleni lesincane, eceleni kweligcuma, sitebele lesingumgedze lomncane netjani lobomile, nemcuba wetilwane, ne—neluswane. Kodvwa kwakuyimphendvulo yemkhuleko wabo. Bekanguloko impela lebekakudzinga. Kodvwa bebakufuna ngendlela yabo lucobo. Bakufuna ngendlela lebe—lebebacabanga kutsi yayikahle kakhulu. Kodvwa Nkulunkulu uyati kutsi kutfunyelwa kanjani ngendlela Yena layatiko kutsi ikahle kakhulu, ngoba UnguNkulunkulu longenasiphetfo, futsi Uyati nje kutsi angakutfumela kanjani.

⁹² Uyatati tidzingo takho. Uyati kutsi angakuletsa kanjani kuwe. Kodvwa inkhatsato yako kutsi, ngoba akufiki ngendlela locabanga kutsi kufanele kufike ngayo, bese-ke nonkhe niyajabha, futsi nikubuyisela kuYe. Asimcele, futsi sikholve kutsi Utokutfumela ngendlela nje Lafuna kukutfumela ngayo. Futsi ukwemukele etikwetisekelo. Kunjalo. Niyabona na?

⁹³ Uma uMcela, ungaMenti umcambimanga. Angeke acambe emanga. Wetsembisa, "Celani Babe nomayini eGameni laMi, Ngiyolwenta." Manje, Nkulunkulu angeke acambe emanga. Mcele Yena futsi kutokwentiwa. "Funani, nitofola; nconcotsa, kutovulwa." Siyakukholwa loko. Impela siyakukholwa.

⁹⁴ Banemkhombe. Ngako bentani na? BebanaloLuswane loluncane emkhombeni. Ngabe leyo kwakuyiNkhosi lenemandla na? BaMala. Yebo, mnumzane. Ngani na? Akefikanga ngendlela lebebaMlindzele kutsi efike ngayo.

⁹⁵ Futsi, bangani, ningahle nicabange kutsi leyo kwakuyintfo lembi kakhulu. Kwakungiyo. Kodvwa, niyati, sinelicala lentfo lefanako. Sinelicala lentfo lefanako. Sicela Nkulunkulu tintfo, bese-ke siyahambahamba, futsi—futsi, uma Angatseli nje intfo letsite futsi asinike intfo lesicabanga kutsi sifanele sibe nayo, khona-ke sikubuyisela emuva nje. Niyabona na? Ungakwenti loko. Mbute Yena. Hlala nako ngco. Yebo, mnumzane. Bambelela kuko uma wati kutsi kungiko sibili.

⁹⁶ Futsi yini lephatsekako kwendlula Livi laNkulunkulu na? "NeLivi laNkulunkulu lentiwe inyama, futsi lakha emkhatsini wetfu, Khristu." Futsi manje Khristu watfumela Moya loyiNgewe. Futsi UnguNkulunkulu, eMoyeni, ngako-ke bambelela kuYe. Uma Moya loyiNgewe alapha futsi asiphe lesosetsembiso, hlala naso.

⁹⁷ Yini indzaba ngatsi, bantfu bePhentekhostali, lesitisho kutsi sinaMoya loNgewe kepha sesaba kwetsema Nkulunkulu nomakuphi cishe? Yini indzaba na? Sikulindzele ngalenyenidlela.

⁹⁸ Ngicabanga kutsi, loko lesikwentako, ngitonitjela liciniso, ngicabanga kutsi sikulindzele, Nkulunkulu kutsi angene futsi achakaze enhlanganweni lenkhulukati yaloluhlobo *lolunaloohlolo*. Futsi ngesikhatsi nikwenta, nakhe sakhiwo lesikhulu lesimelene naloyomfo lomunye. Intfo lesifanele siyente, mnaketfu, kukhohlwa ngaloko. Tinhlangano tenu tikahle.

⁹⁹ Kodvwa lesikufunako ngemaKhristu latelwe kabusha nensindziso enhlitityweni yabo, nemandla aMoya loNgewe ekhatsi lapho, kutsandzana, neku beketela; nekuba nemizwa kulomunye nalomunye, imizwa lekhatimulako, ematsema ekuva, nelutsandvo Iwebuzalwane. Lokungukona kusibophela ndzawonye. Nguloko Nkulunkulu lafuna sibe nako.

UnguNkulunkulu longenasiphetfo, futsi Angeke agucuke. EmaVi aKhe, Angeke aWagucule.

¹⁰⁰ Manje bukisisani. Ngako baMala ngoba Akafikanga ngendlela La...lebebakulindzele kutsi kube ngayo. Futsi siyacaphela, kodvwa Wefika ngesimo semBhalo. Ufika nciamashi njenge—ngelicebo lemBhalo. Futsi ngamunye walaba benta, futsi, endzaweni lefanele, ngesikhatsi lesifanele, nangendlela lefanele. Nkulunkulu sonkhe sikhatsi ukwenta ngendlela yaKhe, futsi kuyindlela lefanele.

¹⁰¹ Manje, Mosi, bekanga ngabatelani na? Wabitwa nakatalwa. Bekaluswane ngesikhatsi Nkulunkulu ambita. Watalwa kulelive ngenhloso letsite. Watalwa angumprefethi. Akukafaneli kube yintfo lelukhuni kuMosi kucabanga kutsi, akalindzeleki, ngoba bekafanale alindzele Nkulunkulu kutsi ambita.

¹⁰² Jakobe, Nkulunkulu bekasandza kukhuluma naye nje futsi watsi, “Jakobe, buyela ekhaya. Ngitawuba nawe futsi ngikwandzise. Ngitokwenta intalo yakho njengetihlabatsi telwandle.” Kungani bekamubi kakhulu—kangaka, pho, kutsi Nkulunkulu ete kuye ngalobo busuku ngesikhatsi Labani eta ngalenye indlela, na-Esawu lenye? Noko Nkulunkulu wametsembisa. Amen.

¹⁰³ Nako laph'ukhona, bangani. Uma Nkulunkulu enta setsembiso, bese labamelene naye bavuka, loko kutokuvivinya kuphela kutsi unalo yini Livi, noma cha. Lendvodza leneligidole lelihle akanankinga kuya etjeni lekutsintfwa. Niyabona na? Liciniso lelo. Niyabona na? Kuphela yi...Phetro watsi, ngikholwa kutsi kwakunguye, kutsi, “Letivivinyo leti tifikela kutosihlola, tisivivinye,” kubona kutsi sitokwentani ngako. Kunjalo. Uma utfola Moya loNgewe, ne—nemyeni utokucosha uphume endlini, noma—noma make utonenta nisuke ekhaya, letotintfo, ningalahli litsemba bese nibuyela eveni. Loko sikhatsi sekuvivinya kuphela.

¹⁰⁴ Jakobe, bekafanale ati kancono kunaloko. Kodvwa bekafanale kutsi umoshe yonkhe imphilo yakhe, futsi anguloku agijigijima, nalokunye njalonjalo, kusuka *lapha*, *nalapha*. Futsi u...Ngiyakutsandza lakusho lapho. “Ngawela leJordani ngeludvondvolo kuphela. Futsi manje ngibuya netimphi letimibili, ngibuya, ngandze kakhulu.” Futsi watsi, “Nangu Esawu, umnaketu, eta ngalapha. Nababetala wami *ungalapha*, emvakwami.” Futsi loko, ngesikhatsi angena kulolohlobo lwesimo, kodvwa waya endzaweni lefanele, futsi wacala ngalokungakalindzeleki, ngiyacabanga, kuyotfola imphendvulo.

¹⁰⁵ Kodvwa Nkulunkulu wehla, futsi waba nekulwa, futsi wahlala naNkulunkulu, futsi wabambelela kwaze kwefika sibusiso. Ngiyamtsandza Jakobe ngalenandlela. Ngesikhatsi impela abona intfo letsite leyayilungile, ngesikhatsi abeka

sandla sakhe entfweni letsite leyayicinisile, wabambelela kuyo waze watfola imiphumela.

¹⁰⁶ O, kube besiyokwenta loko! Uma libandla belingenta loko kuphela, uma kuphela beningeneliseka kutsi kucinisile, futsi wati kutsi setsembiso saNkulunkulu, futsi singeke sehluleke! Uvele nje... Singeke sehluleke.

¹⁰⁷ Lomunye akhulume nawe kukukhokha kuko, atsi, "Kwalesinye situkulwane. Kwakungesiko kwetfu." Futsi lowo—lowo akusiwo umBhalo.

¹⁰⁸ Jesu watsi, kuMakho we 16, "Hambani niye eveni lonkhe, nishumayele liVangeli kuko konkhe lokudaliwe. Letibonakaliso leti tiyobalandzela labakholwako," Niyabona na? Kuphi na? Kute kube kuphi na? Wonkhe umhlabba, konkhe lokudaliwe. Letibonakaliso leti tiyolandzela emhlabeni wonkhe, kuko konkhe lokudaliwe lokukholwako.

¹⁰⁹ Phetro watsi, ngeluSuku lwePhentekhosti, "Ngoba lesetsembiso senu, nesebantfwana benu, nakubo bonkhe labakashane, ngisho nabobonkhe labo iNkhosi Nkulunkulu wetfu leyobabita."

¹¹⁰ Utokwenta kanjani na? LiVangeli lifanele lishunyayelwe, futsi kuwo wonkhe umhlabba, kucale eJerusalema. Lukha 24:49, Watsi, "Lindzani edolobheni laseJerusalema nite nembatsiswe emandla lavela ngeTulu."

¹¹¹ "EmvakwaMoya loNgcwele," Tento 1:8, "Moya loNgcwele sekefikile etikwenu, khona-ke nitawuba bofakazi baMi eJudiya, eSamariya, nasemikhawulweni yemhlabba." Ndzawo tonkhe, Moya loyiNgcwele afakaza ngetibonakaliso netimanga tilandzela.

¹¹² Sitosuka kanjani kuko na? Setsembiso saNkulunkulu. Ungamvumeli develi. Ukhohlisa ngemandla akhe onkhe, futsi impela, kubonakala kwangatsi, umuntfu lofundze ngekwemBhalo. Kodvwa uLishwila kulenta lisho intfo letsite leLingayisho.

¹¹³ Kepha noko, liBhayibheli latsi, "Kucace kakhulu kutsi ngisho siwula asikafaneli nhlobo kutsi siduke endleleni." Bamba setsembiso saNkulunkulu nje futsi ubambelele kuso. Bambelela kulowo ute ubambe lomunye. Uma nibona *lona* aphendvuliwe, khona-ke bambani *lona*. Bese-ke ubambelela *kulowo* ute utfole lomunye. Bese-ke uchubeka nekuhwela.

¹¹⁴ Njengoba leyokhwaya beyihlabela itolo ebusuku, entasi e—kulelinye libandla, ebandleni leMnaketfu Outlaw, itsi; umjikeleto wekucala kwaba kutalwa kabusha, wase-ke uyachubeka, lomunye wefika kulenye indzawo. Futsi emvakwesikhashana wendlula iMars, iJupiter, wase ungena kuMilky White Way, futsi wachubeka nje nekuhamba. Ngi—

ngiyakutsandza loko. Niyabona na? Chubeka nje ucance, ujikelete ujikelete.

¹¹⁵ Bamba setsembiso saNkulunkulu, utsi, “Nkulunkulu, Wetsembisa kungisindzisa.” Bambelela kuko. Hlala khona lapho ute usindziswe. “Nkulunkulu, Wetsembisa kungigewalisa ngaMoya loNgcwele.” Hlala khona lapho ute ugewaliswe ngaMoya loNgcwele. Uma ugula, utsi, “Wetsembise kungiphilisa. Ngitohlala khona lapha ute Ungiphilise.” Nako laph’ukhona. Nguleyondlela yekukwenta. Hlala nako.

¹¹⁶ Nkulunkulu ungu longenasi phetfo. Akaguculeki. Angeke agucuke. Futsi Ukwenta ngetindlela letingakalindzeleki, kodvwa bambelela kuze kufike. Ungamtjeli Nkulunkulu kutsi yini, kutsi ufuna Akwente kanjani. Uyokwenta ngendlela Lafuna kukwenta ngayo. Niyabona na? UngaMtjeli kutsi kwentiwa kanjani.

¹¹⁷ Manje bukisisani. Manje sitfola kutsi Isaya watalwa angumprofethi. Manje, bekenta umsebenti lawuniketiwe ngesikhatsi asentasi lapho e-altari. Kwakungesiyo intfo lengakejwayeleki kutsi umprofethi abone umbono, ngako beka fanele akhumbule. Bekenta umsebenti lawuniketiwe ngco. Ngako, bekangakaphumi eMbhaweni; bekaseMbhaweni ngco.

¹¹⁸ Nkulunkulu watsi, “Uma akhona emkhatsini wenu, longuwakamoya, umprofethi, Mine iNkhosi Nkulunkulu Ngitakutatisa kuye. Loko lokushiwo ngumprofethi kuya fezeka, khona-ke muveni. Uma kungafezeka, nimencabe.” Ngako, niyabona, Jakobe bekafeza umBhalo lawuniketiwe. Mosi, bekafeza umBhalo lawuniketiwe.

¹¹⁹ Futsi, Eliya, ake sitsatse Eliya lapha. Ngitotsandza kusho kuye, manje, waphumela lapho ehlane futsi waba nelunya. NaNkulunkulu wamtfuma, wamondla ngeNgelosi, wase umfaka ehlane, futsi wazulazula tinsuku letingemashumi lamane nebusuku. Futsi intfo yekucala niyati, kwentekani na? Uyenuka, ubuyela emgedzeni. Nemprofethi emuva lapho, weva kuvunguta kwemoya, kusaphata, kuvunguta. Weva emadvwala abhodla, yonkhe intfo. Wacabanga, “Yebo-ke, loko kulungile. Bengisenhla eNTsabeni iKhameli. Ngiyati kutsi Uyaphendvula, umdvumo, nembane, nemvula. Ngiyakwati.” Kodvwa, lokwatfolia umprofethi, kwakunguloko lokungakalindzeleki liPhimbo lelincane lelitfobekile.

¹²⁰ Kulapho la kwenta khona labanengi kakhulu betfu bantfu bePhentekhostali bagcume. Niyabona na? Silindzele lokutsite ngalenyne indlela, uma Nkulunkulu akuletsa ngendlela yaKhe lucobo. Niyabona na? Sicabanga loko, kona, sifanele site ngendlela lesikulindzele ngayo. Kodvwa Nkulunkulu ukutfumela ngendlela yaKhe lucobo, indlela Lafuna kukwenta ngayo—ukwenta ngayo.

¹²¹ Manje, Jesu. Ngesikhatsi bacela inkhos, Isaya 9:6, watsi, “Sitalelwe uMntfwana, siphwa iNdvodzana: Umbuso waKhe uyobasemahlolome aKhe.” “Intfombi ntfo iyokhulewa, futsi itale uMntfwana. Itobitwa nga-Imanuweli.” Futsi, ngani, Ufika ncamashi kutofeza imiBhalo laniketwe yona. Ngabe Wefika na? Kona kanye nje loko lokwashiwo ngumBhalo.

¹²² Mosi bekasemugceni, kodvwa akufikanga ngendlela lebekacabanga kutsi iyofika ngayo. Wacabanga, “Ngitokwehlela lapho futsi ngibulale lowoMgibhithe. Kuyoba nguloko, khonake bonkhe bantfwana baka-Israyeli bayotsi, ‘*S’bani-bani*, yena, niyabona, ungumncobi wetfu.’” Kodywa akufikanga ngaleyondlela. Kodvwa bekasolo afeza umBhalo lawuniketiwe. Jakobe, bonkhe lalabanye babo, bebasemgceni wemiBhalo ngesikhatsi Nkulunkulu asebenta.

¹²³ Futsi uma sitifola silayina neLivi laNkulunkulu, futsi sibambelele kuko! “Yini lengingayenta, Mnaketfu Branham, yini lengingayenta kutsi ngibe semgceni neLivi laNkulunkulu?” Litsatse nje uLifake enhlitiywani yakho futsi uLikholwe. Sonkhe setsembiso singesakho. Singesakho. Ungaba naso. Singesakho.

¹²⁴ “Sonkhe setsembiso eNcwadzini,” niyahlabela, “singesami. Sonkhe sahluko, lonkhe livesi, wonkhe umugca. Ngetsembele elutsandvweni lwaKhe lwebuNkulunkulu, ngoba sonkhe setsembiso eNcwadzini sami.” Niyabona na?

¹²⁵ Akunandzaba kutsi lesetsembiso siyini, singesakho noma kanjani, ngoba Nkulunkulu wakunika sona. “Nomangubani lotsandzako, akete anatse emitfonjeni, emanti ekuPhila, ngesihle.” Sakho. Sicondzene nawe. Noma ngusiphi setsembiso sicondzene nawe, uma unekukholwa kusibeka endzaweni lefanele. Futsi kutokwenta, uma nje nitokukholwa.

¹²⁶ Manje, kodvwa ngesikhatsi Jesu efika, sitfola kutsi Watalwa emkhombeni, ngalokukhulu ngekushesha emaJuda akavumelananga. Akafikanga ngendlela lebekacabanga ngayo, bebacabanga kutsi Bekatofika, ngako baMcossa enhlanganyelweni yabo. Futsi Bekangasekho kuko. Kodvwa bukisisani kutsi Wenteni. Yena, ngesikhatsi A...Loko akuMmisanga.

¹²⁷ Ngesikhatsi iPhentekhosti seyitalwa kucala, libandla lacoshwa, nalo. Loko akuzange kuwumise umlayeto. Uchubeka ngalokufanako nje. Jesu angeke amiswe.

¹²⁸ Ngubani longavimba Nkulunkulu na? Ungeke wakwenta. Cha. Ungeke usaphindze ukwente. Bewungalimisa kalula lilanga. Kodvwa ungeke wamisa Nkulunkulu. Luhlelo lwaKhe lutochubeka.

¹²⁹ Ngako kufika ngesikhatsi emabandla emuva lapho bekakhulekela imvuselelo. Ifika ngendlela lengakalindzeleki. Watfola sicuku salenye, indvodza lelikhalatsi leneliso

linye ngalapha eCalifornia, ne-nemabhokisi lambadlwana esitaladini, netintfo letinjalo, futsi wawagewaliswa ngaMoya loNgcwele. Futsi kwacala umlilo, kutsi, bukani kutsi sekuyephi manje.

¹³⁰ Libandla lelikhula ngekushesha kakhulu emhlabeni. Bebanalabaphendvukile labanengi emnyakeni lophelile kunabo bonkhe labanye bahlanganiswe ndzawonye. Ya. Kunjalo. *Our Sunday Visitor*, liphepha laseKhatolika, lasho njalo. Babhalisa sigidzi netinkhulungwane letingemakhulu lasihlanu.

¹³¹ Ini na? Livi laNkulunkulu lichubekela phambili, lichubeke, lichubeke. Bantfu bakhe abayuze behlise. Angemasotja, amen, ngoba Livi laNkulunkulu lophilako liyavutsa etinhlitiyweni tabo. Kunjalo. Nkulunkulu ubatfumelela tintfo etindzaweni letehlukene, ababusisa, abaletsa. Manje asigcine umcondvo wetfu eVini, nakuNkulunkulu, futsi sichubeke nekuchubekela embili.

¹³² Manje, ningakuyekeli, nitsi, “Sitoba licembu lelikhulu kunawo onkhe. Noma, sinelicembu lelihle kunawo onkhe edolobheni. Ticuku letigcoka kahle kwendlula tonkhe tifika endzaweni yetfu,” noma intfo lefana naleyo. Uma ukutfola loko emcondvweni wakho, sewuwile ngaso lesosikhatsi. Niyabona na? Yebo, mnumzane.

¹³³ Khumbulani nje, noma ngukuphi lapho uMoya ukhona, lapho tiDalwa letiphilakato tatikhona. Kunjalo. Hlala neMoya waNkulunkulu. Noma ngabe yini loyentako, hlala nalowoMoya.

¹³⁴ Manje, Jesu, ngesikhatsi Akhula, Wafakaza kutsi BekangulowoMesiya lebebamkhulekele. Wabakhombisa sibonakaliso saKhe saMesiya. Wafakaza kutsi BekanguMesiya, ngetibonakaliso Latenta.

¹³⁵ Buka lowesifazane emtfonjeni ngesikhatsi Amtjela tono takhe, kutsi bekanemadvodza lasihlanu. “Ngani,” watsi, “Mnumzane, siyati uma Mesiya efika, Utositjela tonkhe tintfo.” Kodvwa bekangati kutsi BekanguBani.

Watsi, “NginguYe.”

¹³⁶ Bukani Nathanayeli, ngesikhatsi abuya naFiliphu, futsi wenyukela eBukhoneni baJesu. NaJesu wamtjela kutsi bekangubani, kutsi uvelaphi, kutsi bekakadze entani. O, hhe! Kwafakaza. Watsi, “Rabi, Wena uyiNdvodzana yaNkulunkulu. Wena uyiNkhosi ya-Israyeli.” Hhe! Impela. Ngoba, kwani na? Ufakazelwe. Bekanjalo. Bekayi...bona...

¹³⁷ Akaletfwanga ngendlela Israyeli bekacabanga kutsi Bekatokhishwa ngayo. Bacabanga kutsi, “Bekatoba yiNkhosi lenemandla nendvuku esandleni saYo, futsi baphume futsi bashaye emaRoma enhloko ngako.” Kodvwa leyo kwakungesiyo indlela yaNkulunkulu.

¹³⁸ Lowo kwakungesiwo ngisho umBhalo waKhe kutsi akwente kuloko kufika. Kufika lokulandzelako kungesikhatsi Atokwenta loko. batsatsa kubuya kwekucala nekwesibili bakuhlanganisa, ndzawonye.

¹³⁹ Ngako wefika-ke ngekutehlisa, amnene, ahleti embongolweni, angena ayigibebe. Futsi Uphuma e-e—edolobheni lelincane kunawo onkhe emkhatsini wawo onkhe la—lamakhulu etifundza. Futsi o, imiBhalo ivele nje yagcwaliswa ngekubuya kwaKhe, indlela Layofika ngayo, kodvwa behluleka kukubona. Niyabona na? Kodvwa Wenta sibonakaliso sebuMesiya, afakaza kutsi BekanguMesiya, futsi bakwala ngoba Uta ngendlela lengakalindzeleki kubo. Manje, kube nje bebatimisele kuMemukela etikwetisekelo Nkulunkulu laMtfumele kuto!

¹⁴⁰ Singakwenta kusihlw, njengebantfu bePhentekhostali, semukele Moya loNgcwele etikwetisekelo Nkulunkulu lawutfumela ngato na? Singalindzela kutsi Moya loyinGcwele ente loko Nkulunkulu latsi Uyokwenta uma Angena na? Ngabe loko tisekelo lesifuna kusemukela kuto na? Noma ngabe sifuna kutsi, “O, ngikholwa kutsi ngemukela Moya loNgcwele *ngesikhatsi* ngikholwa. Ngichawule tandla temelusi wami, futsi, ngiyanitjela, ngi—ngiyakholwa kutsi nginaMoya loNgcwele”? Loko akusiko lokwashiwo liBhayibheli.

¹⁴¹ “Uma Efika, Uyofakaza ngaMi,” Jesu watsi, niyabona, uma Efika.

¹⁴² Manje, Ufakaza kanjani nga—ngaNkulunkulu na? Ukufakaza ngemphilo lena Layiphila kuwe. “Ngetitselo tabo niyokwatiwa.”

¹⁴³ Bewungatsi, “Yebo-ke, Mnaketfu Branham, nginaMoya loNgcwele. Ngakhuluma ngetilimi.”

¹⁴⁴ Ngiyakukholwa loko, nami. Kodvwa uma loko kuphila kungalandzeli lololwati, khona-ke kwakukhona lokungalungi, niyabona, ninento lengakalungi. Niyabona na? Kodvwa uma una—uma unaMoya loyiNgcwele sibili, futsi wakhuluma ngetilimi, khona-ke kuphila kuyakulandzela. Futsi-ke, uma utisho kutsi unaMoya loyiNgcwele, futsi waba nesentakalo, bese-ke imphilo yakho ayivumelani neLivi laNkulunkulu, khona-ke unemoya longakalungi. Niyabona na? Ngoba, “Ungeke wabutsa emagelebisi e—emanyeiveni.” Niyakwati loko. Niyabona na? “Nangetitselo tabo bayatiwa.”

¹⁴⁵ Futsi Jesu, ngesikhatsi Efika, atisho kutsi BekanguMesiya, Wenta imisebenti yaMesiya. Amen. Watsi, “Uma Ngingenti imisebenti yaBabe waMi, khona-ke ningaNgikholwa. Kodvwa uma Ngenta imisebenti yaBabe waMi, khona-ke kholwani ngulemisebenti.” Sitatimende lesinje pho! Kuyafana nanamuhla, njengoba Etsembisa kumaHebheru 13:8, “Jesu Khristu unguye itolo, namuhla, naphakadze.”

¹⁴⁶ Emahlelo, tinhlangano letinkhulu telive, balindzelani uma babona i...imvuselelo ibhobokela edolobheni na? Alindzele ini emahlelo na? "Inkhulumo lehlakaniphile lenkhulu. Ufanele ete ngemfundvo lekahle, emavi lakhukhumele. Futsi lokhona, ngebuntfu, kutfola lubambiswano ndzawo tonkhe, na—nayoyonkhe intfo kanjalo, neluhlelo lolukhulu." Nentani na? Nisukelani e-altari, sicuku saboJezebeli labanebuso lobupendiwe labangazange bageze, sicuku sebafo lababhema sikilidi labatisho kutsi bangemaKhristu, futsi labangazange bacondzise imphilo yabo, seloku abaketsembeki. Ngitjele kutsi lowo nguMoya loyiNgcwele na? Cha, mnumzane.

¹⁴⁷ UMoya loyiNgcwele ubungcwele, nemandla ekuvuka kwajeSu Khristu. LiBhayibheli latsi, "Jesu Khristu unguye itolo, namuhla, naphakadze." Amen. Loko kuliciniso, mnaketfu, hhayi lokuncane nje. Kodvwa i...

¹⁴⁸ Kuyini na? Tfolani umuntfu etulu lapho, angahle angingite kancanyana, futsi atsele kancane ngelulwimi lwakhe, futsi awachaze kabi lamanya emagama, noma awabite kabi. Bese-ke batsi, "A, akukho lutfo kulowomfo."

¹⁴⁹ Kutsiwani-ke ngaDwight Moody, lomunye walabakhulu kunabo bonkhe lobenabo kusukela kuCharles Finney. Kunjalo. Kutsiwani-ke ngaMoody? Kulukhuni kutsi akhone kufundza ligama lakhe, umtfungi weticatfulo lomdzadlana.

¹⁵⁰ Ngalelinye lilanga, ngale, bekashumayela kubelulwimi tsite ngale eNgilandi, futsi watama kufundza liBhayibheli futsi walibita kabi. Ini? Yena, ngiyacabanga, wabita emafilisti ngekutsi, "EmaFilisti," noma lokutsite, luhlobo lolutsite lweligama laagenta. Wabuyela emuva ihhafu yelivesi. Wetama futsi. Bekacobanga kutsi bekatoba nesikhatsi sekutama kulisipela. Waphutselwa ngiko futsi. Wabuyela emuva wase ufundza yonkhe lentfo, futsi waphutselwa ngiko futsi.

¹⁵¹ Wavala liBhayibheli. Futsi bekati kutsi labo belulwimi tsite bebahleti lapho, nje...Kufanele kube kuhlakaniphakubo. Wavala liBhayibheli. Wase utsi, "Nkhosi Nkulunkulu, ngitokhuluma ngelulwimi longitfumele ngalo." Mnaketfu, wayidzabula leyondzawo yaba ticucu. Yakwenta. Tinyembeti tageleta tehla etihlatsini takhe.

¹⁵² Liphephandzaba leta kutophenya, kubona kutsi kungani bekadvonsa bantfu labanengi kangaka. Neliphephandzaba lefika labhala idzatjana, latsi, "Kungani noma ngubani ete kutobona Dwight Moody?" Watsi, "Intfo yekucala, usikhaya kakhulu kutsi ungambuka." Futsi watsi, "Intfo lelandzelako," utsi, "ukhuluma ngemafonkholo. Aka—aka silo libeka." Futsi watsi, "Indlela lakhuluma singisi ngayo yimbi kakhulu kufana nekubate nhlobo." Futsi watsi, "Uyasabeka kutsi ungambuka. Ukhuluphele, futsi uyindingilizi, nemadzevu bonkhe buso bakhe." O, bambita ngayoyonkhe intfo, cishe.

¹⁵³ Menenja wakhe weta wase utsi, “Mnumz. Moody, naku lokwashiwo liphepha ngawe.” Wafundza kutsi kwakuyini. “Mnumzane,” watsi, ‘kungani noma ngubani eta kutobona Moody na?’”

¹⁵⁴ NeMnumz. Moody wavele nje wengca umusho munye, watsi, “Huh. Impela kwanele. Betela kutobona iNkhosi.” Nguloko kuphela. Abetanga e... Uma uta kutobona Dwight Moody, loko kwehlukile; ufanele ube yintfo letsite lotoyibuka.

¹⁵⁵ Mnaketfu, uma utela inkhulomo yekuhlakanipha, nguloko lokufunako, nguloko lokulindzele. Kodvwa uma nita kutobona emandla nekubonakaliswa kwaMoya loNgcwele, kuyobita emandla aNkulunkulu eZulwini kukwenta. Kunjalo. Kuya ngekutsi ufunu ini, kutsi ulindzele ini.

¹⁵⁶ Uma ngita enkonzweni, ngibheke insindziso. Ngibheke bantfu labangcwele. Ngibheke sicuku lesihlantiwe emphilweni yesono. Nguloko lenikulindzele, ngoba nguloko Nkulunkulu lakudzingako. Kodvwa niyabona kutsi siwisa kanjani imivalo na?

¹⁵⁷ Lomdzala uMnaketfu Spurgeon, umngani wami lomdzala longumfundisi waseMethodisti, abevame kushumayela ngekutsi, watsi, “Sivumele...” noma, kukhuluma, sihlabele ngako, njalo. Watsi:

Siwise imivalo, siwise imivalo,
Sincemphetise ngesono.
Siwise imivalo, timvu taphuma
Kodvwa timbuti tingene kanjani na?

Kuwisa imivalo, kunjalo, wisa imivalo.

¹⁵⁸ Hlala neLivi. Nkulunkulu ungu longena siphosiso. Nkulunkulu ungu longena siphetfo Longeke agucuke. Akaguculeki, Nkulunkulu longaguculeki, Lowo lofanako lowehla ngeluSuku lwePhentekhosti, futsi wagcwaliswa indlu yonkhe ngekuvunguta kwemoya lonemandla. Netilimi letehlukene teMilo tahlala etikwabo, futsi bonkhe bagcwaliswa ngaMoya loNgcwele. Lowo nguNkulunkulu lofanako lesibheke kumbona namuhla. Kuya ngekutsi nifunani. Nkulunkulu longena siphetfo, “NginguNkulunkulu, futsi aNgigucuki.” Akagucuki. Angeke agucuke. Uma kunguloko Labaniketa kona labo labalindzela lemuva lapho, nguloko Lakuniketa labalindzele kwesibili, nguloko Lakuniketa kwesitsatfu, kwesine. Futsi wonkhe Lambitako kutoba yintfo lefanako.

¹⁵⁹ Watsi, “NgingumVini. Ningemagala.” Uma umvini uveta ligala, futsi uveta emagilebisi, umvini lolandzelako noma... Ligala lelilandzelako lowomvini leliuvuetako liyotsela emagilebisi. Ungeke wente utsele ematsanga, lelinye, emahwabba, bes-e-ke kuba ngemagilebisi. Ungeke ukwente. Niyabona, kukhombisa kutsi uphonsiwe. Ngu—ngumvini

lofakelwe. Kunjalo. Noma lomunye umvini lobewu...noma lelinye ligala lebelifakelwe emvinini.

¹⁶⁰ Ngangime lapha ngalesinye sikhatsi neMnaketfu John Sharrit. Wangikhombisa cishe, o, cishe letine noma letisihlanu titselo teluhlobo lwemawolintji letehlukene e...e...sihlahleni. Ngikholwa kutsi kwaku ngemaphomegranathi. Futsi–futsi, cha, mhlawumbe ngineliputsa lapho. Kwakungemawolintji, nemalamula, nemathanjerini, nemathanjelo, nema-grepfruthi, onkhe akhula esihlahleni semawolintji.

¹⁶¹ Ngatsi, “Kodvwa, Mnaketfu John, kukhona lengifuna kukubuta kona. Uma setiphuma manje, futsi tiveta emacembe ato futsi,” ngatsi, “ngabe konkhe kutoba ngemawolintji na?”

¹⁶² Watsi, “Cha. Ngulelo nalelogala, ngalinye lalamagala lamancane lancunywa ase afakwa kulesihlahla lesi. Uma kusihlahlah selilamula, sito...Uma kuligala lelilamula, litotsela emalamula.”

¹⁶³ Ngatsi, “Kodvwa uma-ke sihlahla sasekucaleni siveta lelinye ligala na?” Watsi, “Litsela emawolintji.” Kunjalo.

¹⁶⁴ Ngako, mnaketfu, singatiphocela tsine lucobo ngenhlangano. Nguloko kuphela lesinako. Sitsela titselo tenhlangano. Sitsela bufakazi benhlangano. Kodvwa uma niphumile emVinini, futsi kuniveta, sidalwa lesisha kuKhristu, niyokwetfwala kuphila kwaKhristu. Ngako ngisite, nitokwenta. Kunjalo. Nitawuba nelwati lolufanako lababanalo ekucaleni. Amen. Ngiyati kutsi kuliciniso.

¹⁶⁵ Emahlelo abheke tihlakaniphi. Inkhatsato, tsine maPhentekhostali, sibuka lokukhulu kakhulu kuvunguta kwemoya, sigeja liPhimbo lelincane leliphansi. Kunguloko nje. Niyabona na? Yebo, mnumzane. Akukalindzeleki, ngalesinye sikhatsi. Uma kungekho Phimbo lelincane leliphansi kuko, yebo-ke...Noma, Anako ekhatsi lapho, yebo-ke, asifuni kuKwemukela. Ngalesinye sikhatsi kufundzisa lokuhle sibili, ngalesinye sikhatsi, bavele nje basijube sibe ticucu, kutsi kusikwatisa kancane, niyati. Ngaletinye tikhatsi loko kusisita kancanyana. Niyati kutsi loko kuliciniso. [Akucoshwanga etheyiphini—Umhl.] Liciniso, yebo, mnumzane, intfo letosisita, sente kahle.

¹⁶⁶ Manje, Eliya bekevile kuvunguta imimoya, futsi wati kutsi lowo kwakunguNkulunkulu ngephandle lapho, noma intfo letsite ihamba. Weva timvula, yonkhe intfo. Kodvwa lokwametfusa ngesikhatsi Angena kuleloPhimbo lelincane leliphansi. BekaMbonile eta emvulen. BekaMbona eta ngisho, emilwени. Weva imimoya. Futsi weva imvula. Weva umlilo, wase ubona umlilo, nako konkhe. Kodvwa washaceka ngesikhatsi leloPhimbo lelincane leliphansi lifika. Ngako wabeka ivesyili etikwebuso bakhe wase uyaphuma. O, mnaketfu, nguloko-ke.

¹⁶⁷ Lebesifanele sikhente kulalela phansi le ekujuleni kwenhlitiyo yetfu site sive liPhimbo laNkulunkulu, bese-ke uphuma kulo, ukholwe kutsi licinisile. Yebo, mnumzane.

¹⁶⁸ Mine, kodvwa ngiyatibuta namuhla, mnaketfu, uma sehluleka kucondza, noko, emkhatsini wetfu uMoya loyiNgewe. Angati nomina bantfu indlela lesibuka tintfo ngayo namuhla, uma singehluleki kucondza kutsi lona nguMoya loyiNgewe. Niyabona na?

¹⁶⁹ Manje, ngiyati, kulabanye benu tihambi, mhlawumbe, nitungelete enkambu kusihlwa, labanye bantfu bangaphila imphilo lobewungaba nemahloni kuyiphila, cobo lwakho. Loko kungahle kube liciniso. Kodvwa, mnaketfu, dzadze, abanako loko labakhuluma ngako. Kunjalo. Liciniso lelo. Kodvwa ungalokotsi wehlulele ngaloko.

¹⁷⁰ Ngesikhatsi ngiyongena eNdiya, kwakunendvodza lebeyifuna kungikhombisa kutsi yayingalala etikwemanyeva. Yinye yayifuna kuhamba emlilweni. Ufuna kwenta tonkhe letintfo leti, kukhombisa kutsi yini lebekangayenta, ngazuka, nomina indibileshe, nomina ngapeni, nomina yini lomnika yona. Kodvwa, lalelani, bekadlala incenye yemzenzisi ngephandle lapho. Kodvwa emuva lena kulela lingekhatsi bekunendvodza letsite lebeyimsulwa, bekakwenta mbamba loko, acabanga kutsi bebanikela kunkulunkulu ndzawanatsite. Kodvwa bekadlala incenye yemzenzisi.

¹⁷¹ Sinentfo lefanako. Loko kunjalo impela. Labanye besilisa, besifazane, nje... nomina lababitwa kanjalo, batama nje kubeka, futsi bente kwangatsi batfola Moya loNgewe, futsi nje ngoba bonkhe labanye bahamba ngaleyondlela.

¹⁷² Njengoba bengisho, ngalobunye busuku. Ngesikhatsi ngicala kufika epulpiti, nga—ngakhuphukela lapho, futsi nga—ngambukisia Dkt. Davis indlela lebekashumayela ngayo. Futsi bengitsandza kutfola ilayisense yami yekuba ngumshumayeli, ngako ngasukuma lapho. Ngacabanga, “Awusho, uyati kutsini? Ngingashumayela kanjalo nami.”

¹⁷³ Ngako ngenyukela lapho ngase ngijikijela imikhono yami ngendlela lefanako lenta ngayo, futsi ngagcuma ngiya *phansi nasetulu* ngendlela lefanako lenta ngayo, futsi bengitsi nje, “Haleluya! Ludvumo kuNkulunkulu!” Futsi, “Haleluya! Ludvumo kuNkulunkulu!” Futsi, “Haleluya! Ludvumo kuNkulunkulu!”

¹⁷⁴ Bese-ke, intfo yekucala niyati, ngesikhatsi ngehla kusuka lapho, bonkhe besifazane labadzala beta base batsi, “O, loko kwakumangalisa, Billy!”

¹⁷⁵ Kodvwa Dkt. Davis lomdzala wahlala lapho, ummeli lomdzala, niyati, wangibuka *kanjalo*. Ngatsi, “Ngente kanjani, Dkt. Davis na?”

¹⁷⁶ Watsi, “Kubola. Lokubi kakhulu lengake ngakuva.” O, hhe, ngabe ungilulatile! Watsi, “Ngikufuna ube sendzaweni yami yekudadishela kusasa ntsambama, ngensimbi yesibili.”

Ngatsi, “Kulungile, Dkt. Davis.”

¹⁷⁷ Ngangena, ngishayekile, niyati. Wangibuka, watsi, “Ngicabanga kutsi utiva kwangatsi awuyuze ungitsetsele, Billy.”

Ngatsi, “Cha. Ngifuna kwati kutsi kungani.”

¹⁷⁸ Watsi, “Ngesikhatsi ngicala kuticecesha bumeli,” watsi, “Ngabukela ummeli. Futsi loko akungabateki kutsi wenteni nawe: ngibukisise.” Watsi, “Ngoba, ngiyakubona utama kwendlula kuto tonkhe tento lengihambe kuto.”

¹⁷⁹ Watsi, “Kodvwa uyati kutsini?” Watsi, “Sizatfu ngitsite ‘kubola kulengake ngakuva,’ ” watsi, “ngoba awukaze uletse nalelincanyana leLivi laNkulunkulu. Bewukhala nje, futsi ufinkhita, futsi ukhihlita emafinyila, futsi uchubeka.” Watsi, “Awukaze usho lutfo ngeLivi,” washo.

¹⁸⁰ Futsi ngako watsi, “Ngakhuphukela lapho futsi ngetama kwendlula futsi ngincusele licala ledivosi. Ngase ngitsi, ‘Lona wesifazane tatane lomncane! Boo-hoo! Wesifazane lomncane tatane! Boo-hoo!’ Ngachubeka kanjalo.”

¹⁸¹ Futsi watsi, “Ummeli lomdzala ahleti lapho futsi bekabukeka kanjalo, cishe ihhafu yeli-awa, ngaze ngacedza kushaya futsi ngikhala, ngaze ngaphelelwa livi, cishe.” Watsi, “Ummeli lomdzala watsi, ‘Jaji, Mhlonishwa. Kakhulu kangakanani-ke kwalombhedvo inkantolo yakho leyokumela na?’ ”

¹⁸² Watsi, “Ngatsi...Ngaya kummeli lomdzala, futsi wangitjela. Watsi, ‘Uyati kutsini? Bewubanga umsindvo lomnengi nayoyonkhe intfo. Ungo—unguloko, kulungile. Kodvwa,’ watsi, ‘awukhiphi umtsetfo. Kubita umtsetfo kwehlula licala.’ ”

¹⁸³ Mnaketfu, nguloko lengikucabangako kusihlwa futsi. Kufanele kube yintfo lefanako, mnaketfu. Akunandzaba kutsi imfundvo lengakanani, kuhlakanipha, nanoma yini lokunye lesinako, kufanele kubekhona emandla latsite nekubonakaliswa kwaMoya loNgcwele kufakazela kutsi nguNkulunkulu, lotocondzisa imphilo yakho, letokwenta futsi yente kuPhila lokufanako Jesu Khristu lakwenta. Amen.

¹⁸⁴ Wetsembisa etinsukwini tekugcina kutsi Uyo...“Kuyoba kuKhanya ngesikhatsi sakusihlwa.” Umprofethi wakwetsembisa loko. Siyacaphela kukhanya ngekwemumo wemhlaba kuphuma emphumalanga futsi kushone enshonalanga. Nelilanga lelifanako leliphuma emphumalanga lililanga lelifanako lelishona enshonalanga. Siyati kutsi loko kuliciniso.

¹⁸⁵ Manje, yacala kuphi imphucuko? Emphumalanga. Kunjalo. Kuhambe nelilanga, futsi manje kuseWest Coast. Kuyachubeka, kutobuya emphumalanga futsi. Imphumalanga nenshonalanga kuhlangene, imphucuko. Sifuna nicaphele loku umzuzu nje.

¹⁸⁶ Manje, khumbulani, umprofethi watsi, "Kuyobakhona lusuku lolungayuba kukhanya noma lubemnyama, lusuku loluhwalele. Kodywa ngesikhatsi sakusihlwa, kuyoba kuKhanya." Manje caphelani. "Kuyoba kuKhanya ngesikhatsi sakusihlwa."

¹⁸⁷ Manje, iNdvodzana yaNkulunkulu yakhanya kulunga kwaYo nemandla etikwebantfu basemphumalanga cishe eminyakeni lengemakhulu lalishumi nemfica leyendlula. Futsi nako kufika libanga lesikhatsi lesibe netimfundziso tekuhlakanipha. Sibe nesikhatsi lesimnandzi. Sente tinhlangano. Sente umsebenti lomkhulu, lomuhle. Lusuku loluhwalele nje.

¹⁸⁸ Angicabangi kutsi nibatfola lapha ePhoenix, kodywa emphumalanga siyatbatfola, luhlobo lwemafu, kukhanya lokwenele kutsi kutungelete; kodywa lilanga alikhanyi. Ndzawanatsite liyakhanya, ngoba ni...Bekungeke kube kukhanya cube bekungakhanyi. Kodywa empeleni akusiko kukhanya kwelilanga lokuhle. Kodywa-ke ngesikhatsi sakusihlwa, emafu agicikela emuva, nelilanga lelifanako relakhanya emphumalanga liyakhanya enshonalanga.

¹⁸⁹ Wase-ke Jesu lofanako, Moya loNgcwele lofanako lowawela emuva kubantfu basemphumalanga, sewehlile kulolusu Iwenhlangano, futsi kwawa lapha ngelusuku Iwekugcina, kukhanyisa kuKhanya etikwemkhatsi wasenshonalanga. NguJesu lofanako, intfo lefanako, Loyo lotsandzako lofanako.

¹⁹⁰ Ulapha kusihlwa esimeni saMoya loyiNgcwele. Wota! U-UnguNkulunkulu longaguculeki. Angeke nje aguculwe. Cha. Ufika ngetindlela lettingakalindzeleki, timanga letisebentako, tindlela letehlukene, timanga taKhe kutsi tentiwe. Tindlela letiyimfihlakalo, njalo, timanga taKhe kutsi tentiwe.

¹⁹¹ Kodywa khumbulani, Jesu watsi, "Njengoba kwakunjalo etinsukwini taseSodoma, kuyoba njalo ekubuyen kweNdvodzana yemuntfu." Akekho longakungabata loko, kodywa loko Lakusho, "Njengoba kwakunjalo eSodoma." Manje, eSodoma, loko kwakungaphambi nje kwekutsi umlilo wehle futsi washisa iSodoma neGomora. Futsi manje singaphambi nje kwekushaya lelo-awa lasekhatsi nebusuku, ngekuBuya kwesibili kwaKhristu, nelive kutsi libhujiswe ngemlilo.

¹⁹² Kwentekani na? Kwakunetigaba letintsatfu tebantfu ngalolosuku, futsi kunetigaba letintsatfu tebantfu namuhla. Kucala, kwakukhona baseSodoma; live. Kwakukhona Loti nebantfu bakhe; libandla, lelibophekile nje, luhlobo

Iwetihlakaniphi. Futsi nango Abrahama nelicembu lakhe; Abrahama nelicembu lakhe, bahleti etulu lapho, labaKhetsiwe futsi liBandla lelibitelwe ngaphandle.

¹⁹³ Khumbulani, manje, kwakunemacembu lamatsatfu. BaseSodoma; labanesono, live lelibi njenganamuhla. Nalo ke lilunga lelibandla, lelisivuvu, lelibandzako; Loti, licembu lakhe. Kwakuna-Abrahama, lobitelwe ngaphandle kwako, futsi bekahleti ngephandle lapha elugwadvule, atsatsa tintfo letilukhuni. Kunjalo. NeNkhosi yehla ngesimo seMuntfu, siKhulumi saletiNgelosi letintsatfu letimile.

¹⁹⁴ Manje, lomunye wangibuta, watsi, “Mnaketfu Branham, awukholwa kutsi lowo kwakunguNkulunkulu na?”

¹⁹⁵ Ngatsi, “KwakunguNkulunkulu. Ngoba, manje, lalela. Abrahama waMbita ngekutsi, luhlavu lolukhulu N-k-h-o-s-i. Futsi noma ngusiphi sifundziswa siyati kutsi lelo luhlavu lolukhulu N-k-h-o-s-i Elohim, lokunguNkulunkulu.”

¹⁹⁶ Watsi, “Yebo-ke, Bekayoke akwente kanjani . . .” Ngatsi . . . Watsi, “Nkulunkulu, adla na?”

¹⁹⁷ Ngatsi, “Impela.” Ngatsi, “Nkulunkulu wavele welula sandla wase utsatsa lokungagewala sandla kwe—kwekuKhanya i-khozmikhi, nanoma yini lenye Lebekafanele ayihlanganise ndzawonye, ne-phetroliyamu letsite, nekukhanya i-khozmikhi, ne—ne-khalsiyamu letsite, ne-phothashi. Watsi, ‘Whuu! Ngena kulowo, Gabriyeli. Whuu! Ngena kulowo, Mikhayeli.’ Wase ungena kuwo, cobo lwaKhe.”

¹⁹⁸ UnguNkulunkulu. Uyehluleka kubona kutsi UnguBani. UnguNkulunkulu longagucuki. Ngiyajabula nginekukholwa kuYe kusihlw, kutsi ngalelinye lilanga lapho imphilo yami, umtimba wami netincenyne tawo letilishumi nesitfupha titobuya elutfulini Iwemhlabo. Kodvwa Uyotsi, “William Branham,” futsi Ngiyovela. Uyophefumulela umoya wekuphila kuwo, atsi, “Nako laph’ukhona.” Uyokwendlula kutalwa—kutalwa kwamake wami, kanjalonjalo.

¹⁹⁹ NjengaJesu, emmangalisweni waKhe wekucala, Wagucula emanti aba liwayini. Ekugcineni, bekufanele kube liwayini, kodvwa Weca lonkhe luhlelo, wase utsi, “Gucula lamanti abe liwayini.”

²⁰⁰ Ekuvukeni kulabofile, Angeke atsi, “Mnumz. naNkkt. Branham shadani futsi bese nitala William.” Utokhuluma, futsi Ngitophuma. Amen. Lowo nguYe. UnguNkulunkulu.

²⁰¹ Impela, Wakwenta. Wehlela lapho embikwa-Abrahama. Manje, bukisisani kutsi Wentani manje.

²⁰² Khumbulani, Bebehla, letimbili tetiNgelosi tewuka futsi tayoshumayela eSodoma. Ngabe kunjalo na? Bebanemhlangano entasi lapho. Kodvwa Bentani na? Abentanga imimangaliso

leminengi kakhulu, kodvwa Bentani na? Babashaya labobaSesodoma ngebumphumphutse.

²⁰³ Futsi manje sinato letottingelosi letifanako tishumayela ebandleni lelibophekile nje namuhla: Billy Graham, nakanjalonjalo. Futsi yini lephumphutsekisa live na? Livi. Futsi kushumayela Livi, kumphumphutsekisa longakholwa.

²⁰⁴ Kodvwa bukisisani labaKhetsiwe, liBandla lelibitelwe ngaphandle, leNgelosi leyakhulumaphe lapho ku-Abrahama.

²⁰⁵ Yena, manje khumbulani, ligama lakhe belingu-Abrama kwate kwaba tinsuku letimbalwa nje ngaphambilini. Neligama lemakkhe lalikadze linguSarayi, S-a-r-a-a. Kodvwa, yena, Nkulunkulu bekahlangane na-Abrahama asesimeni saMoya, futsi bekalintjintjile ligama lakhe lisuka ku-Abrama laba ngu-Abrahama, esuka ekubeni nguSarayi waba nguSara.

²⁰⁶ Futsi manje bukisisani leNgelosi, lutfuli etimphahleni taYo, futsi Yatsi, “Abrahama, uphi umkakho, Sara?”

²⁰⁷ Ngiyatibuta. Abrahama kufanele kutsi watsi, “Kuhola kwami—kwami kwakucuinisile. Ngeva intfo letsite nje. LowoMfo bekehlukile.”

Watsi—watsi, “Usehendeni lelingemuvakwaKho lapho.”

²⁰⁸ Wati kanjani kutsi bekanemfati na? Wati kanjani kutsi ligama lakhe lalintjintjiwe na? Bekakwati kanjani loko, lowesifazane, letimo leti? Watsi, “Ngitokuvakashela ngekxesikhatsi sekuphila.” Wati kanjani ngisho nekutsi Abrahama washada na? Niyabona na? “Upfi umkakho, Sara?”

²⁰⁹ Watsi, manje bukisisani, “Mine,” lesosabito semuntfu lapho, “Ngitokuvakashela ngekxesikhatsi sekuphila.” Niyabona kutsi bekunguBani. Niyabona na? Niyabona kutsi bekunguBani. Futsi Wa—Watsi . . .

²¹⁰ NaSara, ethendeni, watsi, “Ngingakwenta kanjani na?” Wahleka. Ngalamanye emagama, kugigitseka lokuncane, niyati, ngesingaye, watsi, “Manje buka. Ngingaphindze ngitijabulise kanjani futsi?”

²¹¹ Abrahama bekaneminyaka lelikhulu budzala, neliBhayibheli likusho ngalokusobala lapho manje, kutsi bobabili bese bagugile futsi bakhulile. Futsi indlela yaSara yase ihambile sikhatsi lesidze. Abrahama, umtimba wakhe sewufana nalofile. Nesibeletfo sakhe sasesomile futsi safi, iminyaka.

²¹² “Ngitokuvakashela ngekuphila, sikhatsi sekuphila, futsi utotala lomntfwana.”

²¹³ Manje caphelani, ngaphambi kwekuvala. NaSara wahleka, watsi, “Loko kwakungaba kanjani na? Mine, futsi ngiguge njengoba nginjalo, ngibe nenjabulo futsi, nenkhosi yami futsi” Manje caphelani, leyo ngule “n” lencane lapho, “nkhosi,” Abrahama. “Yena sekagugile, futsi.”

NaleNgelosi yatsi, “Uhlekeleni Sara na?” O, hhe!

²¹⁴ Manje, khumbulani, Jesu watsi, “Njengoba kwenteka emihleni yaNowa, nasetinsukwini taseSodoma, kuyoba njalo ekubuyeni kweNdvodzana yemunfu.”

²¹⁵ Kuyini na? NguNkulunkulu, Moya loyiNgcwele, ahlala emkhatsini wenyama yemunfu, kuletitja letingcwelisiwe iNdvodzana yaNkulunkulu leyahlanta, ngekukholwa; naNkulunkulu ahleti kuletitja leti, enta futsi achubeka emisebentini yaJesu Khristu, kuMenta abe nguye itolo, namuhla, naphakadze. Uma sibhabhatiswe nguMoya loNgcwele eMtimbeni, khona-ke siba nguMtimba waKhristu. Khona-ke sisuswe kanye naYe. Ngesikhatsi Avuka, savuka futsi ekuvukeni kanye naYe. Ngoba, UyiNhloko, neNhloko neMtimba kundzawonye. Khona-ke, namuhla, Khristu useBandleni, kuwe, nemisebenti yaKhe Lake wayenta. Johane loNgcwele 14:12, “Loyo lokholwa ngiMi, lemisebenti lengiyentako Mine naye utoyenta.” Kunjalo. EmaHebheru 13:8, “Jesu Khristu longuyue itolo, namuhla, naphakadze.” Niyabona lapho na?

²¹⁶ Bantfu abakulindzeli kutsi kube ngaleyondlela. Basigadze kutsi sibe sicuku sebantfu labangakafundzi, abati ngisho nekutsi bakhulumu ngani. Bakholwa kutsi sisicuku sebantfu labatiphukuphuku. Kodvwa si—singahle sibe njalo, ngemcondvo labakhulumu ngawo.

²¹⁷ Kodvwa semukela Moya loNgcwele ngendlela Nkulunkulu laWutfulula ngayo, futsi satfola imiphumela lefanako lebebanayo emuva lapho, ngako kufakazela kutsi Unguye. UnguNkulunkulu longaguculeki. Sitfola imiphumela lefanako. Amen.

²¹⁸ Make wami lucobo ngesikhatsi afa, watsi, “Billy, bewu . . .” Ngambhabhatisa eminyakeni leminengi leyendlula. Watsi, “Bewufana nemmholi wakamoya kimi, Billy.”

Ngatsi, “Make . . .”

²¹⁹ Niyati, bantfu betfu bayiKhatolika. Futsi ngatsi . . . Ngesikhatsi kucala ngati kutsi Nkulunkulu bekanguNkulunkulu, bengikwati imphilo yami yonkhe, kusukela ngingumfana lomncane, kodvwa bantfu bami abazange baye enkonzwensi. Futsi ngehla futsi ngakhulumu nemphristi, futsi watsi, “*Leli libandla. Lena yindlela.*”

Ngatsi, “Yebo-ke, liBhayibheli? Nginga . . . ?”

²²⁰ Watsi, “Manje, nitodideka nonkhe. Niyabona na? *Leli libandla.* Nkulunkulu usebandleni laKhe. Ufanele ukholwe libandla.”

²²¹ Yebo-ke, ngaweleta kumaLuthela, futsi batsi, “Silibandla. Singumtimba wemakholwa.”

²²² Ngaweleta kuMethodisti. Batsi, “Singumtimba wemakholwa.”

²²³ Ngaya kuBaptisti. Batsi, “Cha, bonkhe baneliphutsa. Singuloko.”

²²⁴ Ngacabanga, “Kwentekani lapha na? Libandla lingumtimba webantfu. Nalona usho *ngalendlela*. *Lona* usho *ngalendlela*. *Nangalendlela*, *nangaleyondlela*, *nangaleyondlela*. Kufanele kubekhona lokuliphutsa.”

²²⁵ Ngako ngatsi, “Ngabuyela emuva ngco eBhayibhelini, make, futsi ngafundza kona kanye nje loko libandla lekucala lelakwenta. Futsi indlela labakwenta ngayo, nguleyondlela lengikwente ngayo, nami, futsi ngatfola imiphumela lefanako.” Ngatsi, “Akadvunyiswe Nkulunkulu. Loko kungenele kahle mine.”

²²⁶ Kuphela nje uma ngisenemiphumela lefanako, ngibona Jesu lofanako. Ngibona Nkulunkulu lofanako lobekasebenta eThestamentini leLidzala, eThestamentini leLisha, entasi emkhandlwini waseNayisiya wangaphambili. Wasebenta ekhatsi lapho kute kube sekubuyeni kwelibandla leRoma leyiKhatolika lelemukela imibhedesho esikhundleni seliBhayibheli, waphuma etikhatsini tebumnyama, futsi wabuya ngaLuther, Wesley, futsi entasi lapha emnyakeni welibandla laseLawodisiya. “Futsi kuyoba kuKhanya ngesikhatsi sakusihlwa” Nkulunkulu utolikhipha liBandla ngalokucinisekile nje njengoba ngime lapha. Kutobakhona. Futsi sibona Moya loNgcwele lofanako, ngetetsembiso letifanako, enta imisebenti lefanako nentfo lefanako, alibusiswe liGama leNkhosi.

²²⁷ LoNkulunkulu longaguculeki utokunika Moya loNgcwele lofanako Labapha wona lapho, ngaphandle kweluntjintjo. Utokwenta tintfo letifanako Latenta ngesikhatsi Alapha emhlabeni, kunoma ngumuphi wesilisa noma wesifazane lotokukholwa futsi akwemukele. Uma unaMoya loNgcwele, bambelela kuwo njengoba kwenta Jakobe, futsi ubambelele kuko kute kufike imiphumela levumako. Amen. Kukholwe, bangani.

²²⁸ Futsi ngesikhatsi lesingakalindzeleki, futsi mhlawumbe indzawo lengakalindzeleki. Kodvwa uma Atokwenta endzaweni lengakalindzeleki, Ufanele akwente kangakanani ke kusihlwa endzaweni lelindzelwe, lapho silindzele khona kukubona kwenteka na?

Asikhotsamise tinhloko tetfu umzuzwana nje.

²²⁹ Tinhloko tenu tisakhotseme, futsi ngiyetsema kutsi tinhlitiyo tenu tikhottseme, futsi. Ngiyacolisa ngekunihlalisa kuphela nje uma ngisenako, kuze kube yinsimbi yemfica. Kodvwa ngitsanza kunibuta lombuto: Niyati, singahle singaphindzi sibonane futsi. Kukhanya kwemini kungenteka kungefiki ekuseni kulabanye betfu. Futsi uma bekungaba njalo, kutsi besingeke sibone lokunye ngekudzabuka kwekusa,

besingahlangana yini futsi ngale kwemfula na? Unga... Unekuthula ne... enhlitiyweni yakho, nesiciniseko, sicutiniseko semBhalo njengoba labantfu laba lengikhulume ngabo kusihlwa, kutsi ngesikhatsi uhangana naNkulunkulu, waba nesentakalo semBhalo na? Nkulunkulu wagucula imphilo yakho ngalokuphelele, futsi manje awusasuye umuntfu lofanako nje, wakhiwe kabusha nje, upolishiwe, kodvwa usidalwa lesisha, sidalwa lesisha kuKhristu na? Uma ungesiyo leyondlela...

²³⁰ Asinandzawo yekuma e-altari, noma indzawo. Kodvwa ngitsandza kucela bucotfo bakho. Uma ningafisa kutsi nginginikele umkhuleko lapha, epulpiti, ngati kutsi ngalelinye lilanga ngiyodzingeka nigliangane nawe futsi ngibonane nemavi ami lengiwashito kusihlwa, ningakwenta, ne... bonkhe tinhloko tabo tikhottseme nemehlo avaliwe, ungasiphakamisa nje sandla sakho futsi ubonakalise, ngaloko, "Ngikhulekele, mnaketfu, kutsi ngi—ngifuna kuba ngaleyondlela na?"

²³¹ Nkulunkulu akubusise, futsi akubusise. Akubusise, dzadze lomncane. Nkulunkulu akubusise. Ngephandle, nomakuphi, bekani tandla tenu emafasitelweni, noma ngabe kukuphi. Nkulunkulu utobusisa.

²³² Phakamisa sandla sakho nje, ngebucotfo lobujulile, futsi utsi, "Nkulunkulu, bani nemusa kimi. Be—bengihlala njalo ngifuna kuba ngaleyondlela, Mnaketfu Branham, kodvwa ngandlenda tsite lenye, angikaze ngikhone kukutfola loko."

²³³ O, mngani loligugu, ungete wayibamba yini intfo letsite na? Ngikholve, njengenceku yaKhe. Moya loyiNgcwele ucinisile. Ungavumeli muntfu ake akukhulumise usuke kuYe. Bambelela esandleni saNkulunkulu lesingagucuki, mngani longumKhristu. Uma nje ujoyine libandla, uma nje ubhabhatiswe emantini, futsi labasengakabhabhatiswa ngaMoya loyiNgcwele, anikaze kahlekahle navusetelwa kabusha.

²³⁴ Manje, wena utsi, "Mnaketfu Branham, ngi—ngikhulume ngetilimi, nge—ngente *loku*, noma ngenta *lokwa*." Manje, ngiyakholelwu kuloko nami. Nginitjelile. Kodvwa, khumbulani, beningadansa eMoyeni. Beningakhuluma ngetilimi.

²³⁵ Ngiwabonile emaHindu enta loko. Ngitibonile tangoma tikhuluma ngetilimi, tikuhumusha. Futsi ngivile. Ngangena ekhempini ngalesinye sikhatsi, lapho kwakukhonu labanye bomnaketfu labangena khona lapho, futsi ngibone litafula ligamuka ngetilimi, nepeniseli ifika ibhale ngetilimi letingatiwa; bona bakufundza konkhe. Niyabona na? Tonkhe letotintfo, loko kutsi, loko kungaba ngudeveli.

²³⁶ Kodvwa, mnaketfu, uma ukhuluma ngetilimi, bese-ke uchubeka nekuphila imphilo lowake wayiphila, khona-ke kuhuluma lokungalungi ngesentakalo sakho. Niyabona na? Uma unaloko, intfo nje kuphela lobekeyeme etikwayo kuhuluma

ngetilimi, ungakutami loko. Utaweweleta ngale kwelibhudlo, futsi lomkhumbi angeke ukhone kukumela. Kodvwa nge...

²³⁷ “Lapho kunetilimi khona tiyophela. Lapho kunetiprofetho khona, tiyokwehluleka. Kodvwa uma loko lokuphelele sekufikile,” o, lolotsandvo lwaNkulunkulu, lucebile futsi lumsulwa, alunamkhawulo futsi lucinile, khona-ke leti letinye tiphiwo tiyosebenta ekhatsi nako ngco. Niyabona na? Loko tiphiwo taMoya loyiNgcwele loniketwe wena, kukhuluma ngetilimi, kuprofetha, nalokunengi, tinchazelo. Loko kukwekwakha liBandla, ekwakhiweni kweMtima. Kodvwa kucala yemukelani Moya loNgcwele, kutsi nibone kutsi imphilo yenu iguculiwe.

²³⁸ Manje, sekube netandla letitsi atibe siphohlongo noma letilishumi tiphakama kusukela ngikhuluma. Angabakhona yini lomunye ngaphambi kwekutsi ngnikele umkhuleko na? Nkulunkulu akubusise, dzadze. Yebo-ke, Nkulunkulu akubusise, dzadze. Angabakhona lomunye na? Phakamissa sandla sakho nje, utsi, ngebacotfo lobujulile, “Mnaketfu Branham, ngikhumbule.” Nkulunkulu akubusise lapho, mnaketfu. Lomunye futsi? Tsani nje, “Ngikhulekele.” Ngingakukhulekela kuphela, mngani wami. Nkulunkulu akubusise, dzadze. Futsi Nkulunkulu akubusise lapho, dzadze. Manje, Uyasibona sandla sakho.

²³⁹ Khumbulani, Jesu watsi, “Loyo lova emavi aMi, akholwe NguloNgitfumile, unekuPhila lokuphakadze, futsi akasayi ekulahlweni kodvwa wendlulile ekufeni wangena ekuPhileni.” Sifanele sikukholwe loko ngayo yonkhe inhlitiyo yetfu. Kukholwe nje ngako konkhe lokukuwe, naNkulunkulu utokunakekela konkhe lolokunye.

²⁴⁰ Babe loseZulwini, manje sinikela letetsameli letincane kuwe. Lawa lephukile, emagama lakhulunyuwa kabi kusihlwa, Nkhosi, beme lapha nemuzwa walabobantfu beme lapho, netitfo temtimba tabo tibuhlungu. Nkulunkulu, ngibita umphefumulo wabo. Lokwendlula konkhe lengatiko kutsi kanjani, Nkhosi, kuletsa Livi, indlela yami lephansi tatane letfobekile, leyombewu lencane leyayikuyo, Babe, yihlanyele etinhltiyweni talabobantfu. Futsi ngibita umphefumulo wabo, kutsi awuyulahleka, kodvwa iyobonakala ngaleya ngalolosuku ekuvukeni. Siphe kona, Nkhosi.

²⁴¹ Wena unguNkulunkulu. Akekho lomunye Nkulunkulu ngaphandle kwaKho. Emahedeni anetitfombe. SinaNkulunkulu lophilako, Nkulunkulu lophilako weliciniso kuphela. Besingacabanga ngaWe, Babe, uhleti ngaleya eliPhakadzeni, ukhanya ngalokuphinvdwe katigidzi kwendlula lilanga letigidzidzikiati letilishumi. O Nkulunkulu, khanya phambili! Nine Leningenta imihlaba, nibeke kukhanya kwelilanga netinkhanyeti letinkhulu etibhakabhakeni, bese—bese—ke

uyehla kutosindzisa soni, lokhatsalele ngalokwenele kutsi ngibe lapha kulelitabernakeli lelincane kusihlwa nalabantfu laba labangemaKhristu. Ngoba, Jesu usinika Livi, kutsi, "Lapho lababili noma labatsatfu babutsene ngeliGama laMi, Ngiyoba semkhatsini wabo."

²⁴² Manje, sindzisa labantfu laba, Babe. Nguloko kuphela lengatiko kuKucela, futsi ngiyakhola kutsi Utowuphendvula umkhuleko wami. Futsi ngikhulekela kutsi kusasa batoba kahle ebandleni, futsi balungele umbhabhatiso, ngisho namanje kusihlwa, uma bangakaze babhabhatiswe. Ngikhulekela kutsi Utobagewaliswa ngaMoya loNgcwele. Ababambelele kuleliCiniso sibili laNkulunkulu baze bakhululwe kufa. NgeliGama laJesu ngiyakhuleka. Amen.

²⁴³ Manje, tetsameli, ngifuna kunibuta umbuto munye, ngesizotsa, nangebungcwale. Emizuzwaneni lembalwa sitawube sesiyavala. Njengoba ngishito, singahle singaphindzi sibonane futsi. Ngiyetsema kutsi siyakwenta. Kodvwa khumbulani, sitofanele sitilandze ngakusihlwa, uma sifika ekwaHluelweni. Ngitofanele ngitilandze ngaloko lengikushito, ngaloko lengikwentako. Konkhe kutofanele kubalwe ngako, kuNkulunkulu. Futsi uma—uma ngitfolwa ngingelicala, niyati kutsi kwentekani kimi. Nginganconota kutsi angife ngisoni, kodvwa ungangivumeli ngife ngingumkhohlisi. Angibe neliciniso, ngetsembeke.

²⁴⁴ Manje, bukani. Uma Jesu Khristu anguye itolo, namuhla, naphakadze...Futsi ngiyakhuleka loku. Manje, angati kutsi Utokwenta. Ngoba, loku nje tetsameli letincane tebantfu...Futsi kunebantfu labemile, futsi sekusikhatsi. Sengece sikhatsi. Kutobamatima kuchuba lilayini lalabakhulekelwako lenyukele ngalapha, kodvwa ngitonikhulekela etetsamelini. Kodvwa akutsi...Ngikhulekela kutsi Nkulunkulu utokunika intfo letsite longabeka tandla takho kuyo, njengoba Jakobe bekanayo; awukaze ube nako, niyabona, intfo letsite longabeka tandla takho kuyo.

²⁴⁵ Manje, kini nine bantfu ngephandle lapho logulako, ngakhulumu nani ngeNgelosi leyehla, lokwakunguNkulunkulu abonakaliswa emtimbeni wemuntfu, Labonakaliswa kitsi uma singemakholwa. Futsi-ke ngesikhatsi Yena Sekafulatsele, Sara...Wacondza kutsi Sara bekatsini nekutsi sentani etetsamelini.

²⁴⁶ Khona-ke ngalesinye sikhatsi, akwente kusondzele kakhulu kuwe, kutsi Wendlula e—esicukwini sebantfu, futsi kwakukhona wesifazane lomncane mhlawumbe lobekangajabha nje njenganoma ngubani lapha.

²⁴⁷ Tsine ngalokwejwayelekile...Itolo ebusuku singene ekunyakatiskeni lokuncane. Futsi besinebantfu labanengi kakhulu labakhulekelwe, besinemfana kutsi ahambe anikete

lamanye emakhadi ekukhulekelwa ngesikhatsi ngisashumayela. Futsi ngako ngaletinye tikhatsi bayabuya emuva nasembili, nasemuva nasembili. Futsi nonkhe nifuna kuya kuSontfo sikolwa. Lomunye wangitjela ngephandle, watsi, “Bakhiphe kusenesikhatsi, ngoba labantfu laba batoshayela baye khashane futsi babuye bete kuSontfo sikolwa.”

²⁴⁸ Ngifuna kugcina lesosetsembiso. Ngatsi, “Ngitokwenta. Ngitokwenta.” Niyabona na? Futsi ngi—ngifuna nibambe. Uma...

²⁴⁹ Intfo lemcoka, kutsi, bambani intfo lengiyo. Bangakhi labakholwako kutsi Jesu Khristu unguye itolo, namuhla, naphakadze na?

²⁵⁰ Khona-ke, kube—kube ngikutjele kutsi umoya waJohn Dillinger bewufikile kimi, bengiyoba ngumuntpu loyingoti kuba lapha. Bengiyoba netibhamu futsi ngibe ngumgulukudvu. Kube nginitjelile umoya wa—walenye ingcweti lenkhulu usekhatsi kimi, benitolindzela kutsi ngidvwebe lesitfombe njengoba bekwenta leyongcweti. Kube ngikutjele umoya wa—wa—waHoudini, umdvwebi lophunyukako, bewutongilindzela kutsi ngente letintfo latenta. Kube ngikutjele kutsi umoya wemculo lotsite lomkhulu bewusetikwami, bewutongilindzela kutsi ngitsintse letotikhiya ngendlela nje, ngoba umoya wakhe usetikwami. Niyabona na?

²⁵¹ Uma nginitjela kutsi uMoya waKhristu usetikwami, khona-ke yentani imisebenti yaKhristu. Khristu watsi Nkulunkulu bekakuYe. “Nkulunkulu bekakuKhristu, enta kutsi live libuyisane naYe.” Sonkhe siyakwati loko, kutsi Nkulunkulu watimelela Yena lucobo kuKhristu, kutsi abuyisane nelive kuYe lucobo. Bekangu—Imanuweli. Jesu watsi, “AkusiMi lolowenta lemisebenti. NguBabe waMi lohlala kiMi, Wenta imisebenti.”

²⁵² Futsi endlula, nalowoMoya lofanako kuYe, wesifazane lomncane watsintsia umphetfo wesembatfo saKhe. Manje, Akakuvanga loko, ngekwemtimba. Niyati kutsi Akakaze. Impela cha. Ngoba, sembatfo sasePhalestina, uma kukhona losatiko, beyinesembatfo ngaphansi kwaso, nalesinye sembatfo lesilula lesilengako kanjalo. Ngako Bekangeke atsintse...Bekayo... Bekangeke aze abe...Bekangeke akuve loko, futsi wonkhe umuntpu aMtungeletile. Kodvwa watsintsia sembatfo saKhe ngekukholwa.

²⁵³ Bhathimeyosi loyimphumphutse watsintsia sembatfo saKhe ngalelinye lilanga, esangweni, ngoba Bekangeke akuve loko kukhala.

²⁵⁴ Labanye babo batsi, “Yeyi, Wena, uvusa labafile. Kukhona indzawo yemathuna yonkhe legcwele bona ngephandle lapha. Wota, ukwente,” futsi bahlekisa ngaYe. Nebaphristi nayoyonkhe intfo, “Wotani, nente *loku*, futsi nente *loko*.” Akazange asho lutfo.

Kodvwa siceli lesiyimphumphutse, “O Nkulunkulu!”

NaJesu wema. “Mletseni lapha.” Niyabona na? Niyabona na?

²⁵⁵ Lowo wesifazane lomncane ubonile kutsi bekangeke aze atfole kunakwa kwaKhe, ngoba borabi nebaphristi nawo wonkhe umuntfu baMtungeletile, nawo wonkhe umuntfu. Futsi watsintsia sembatfo saKhe. NaJesu wema, watsi, “Ngubani loNgitsintsile na?”

²⁵⁶ NaPhetro lowaMekhuta nje, watsi, “Ngubani ‘lokutsintsile’ Wena? Wonkhe umuntfu uyaKutsintsa. Usholani intfo lenjengaleyo na?”

²⁵⁷ Watsi, “Kodvwa Ngiyeva kutsi emandla, ngibe nekuphelelwa ngemandla. Umuntfu lotsite bekanekutsintsa lokutsite.”

²⁵⁸ Futsi Wabuka etikwetetsameli waze Wamtfola lowesifazane lomncane. Futsi kwakuyini inkhatsato yakhe na? Bekenemopho. Futsi uma bekanekukholwa lokwenele kutsintsa Nkulunkulu, loko kwabangela Jesu kutsi ente lokutsite. Futsi-ke uma Khristu akitsi, agcotjwe nguMoya loyiNgewe, angeke yini sifiso sakho lesifanako sitsintse intfo lefanako na?

²⁵⁹ Manje, ngifuna kunibuta nine bashumayeli lokutsite. Ngabe liBhayibheli liyasho yini, kutsi, “Jesu Khristu ungumPhristi loMkhulu, khona manje, longatsintfwa ngekuvelana nebutaksaka betfu na”? Ngabe kunjalo na? Bangakhi lowatiko kutsi loko kuliciniso na? LiBhayibheli lasho kutsi, liThestamenti leLisha. “Unguye khona manje umPhristi loMkhulu lonekuvelana” loko ku “kuvelana nebutaksaka betfu.”

²⁶⁰ Yebo-ke, khona-ke, ungati kanjani kutsi uMtsintsile na? Uma Anguye itolo, namuhla, naphakadze, Utokwenta lokufanako Lakwente itolo. Ngabe kunjalo na?

²⁶¹ Yebo-ke, manje, Ute tandla emhlabeni kodvwa tami netakho. Liphimbo lakhe emhlabeni letfu; liphimbo letfu linikwe Yena. Kungako sishumayela liVangeli. Sikholwa kutsi akusitsi. Siphefumulelw kutsi sishumayele letotintfo, Moya loyiNgewe akhuluma ngatsi. Niyabona na? Asikholwa kutsi ngitsi singakwenta loko. Impela cha. Ngiyati bengingeke. Futsi—futsi si—siyati kutsi kuphefumulelw nguMoya loyiNgewe.

²⁶² Bese-ke uma umuntfu ashumayela intfo lephambene, aphike Livi; khona-ke Moya loyiNgewe angalibhala kanjani Livi, bese uyajika, aLiphike ngemuntfu na? Angeke akwente. Kutofanele kube Livi. Litofanele livele nje ngendlela lelibhalwe ngayo, impela nje.

²⁶³ Manje, uma “UngumPhristi loMkhulu.” Ake sibambe lowomBhalo munye, sitsatse loko nje. Uma AngumPhristi loMkhulu lonekuvelana nebutaksaka betfu, khona-ke indlela kuphela longake wat i ngayo, Anga...Uma Anguye itolo,

namuhla, naphakadze, Utowenta njengoba nje Enta ngesikhatsi lowo wesifazane aMtsintsa.

²⁶⁴ Bese-ke uma ngiyinceku yaKhe, neMoya waKhe ukimi, ungatsintsa sembatfo saKhe noma ngabe ukuphi. Bekungeke...

²⁶⁵ Sembatfo sami singeke sente mehluko. Ngingumuntfu, soni lesisindziswe ngemusa. Kodvwa akukho ngetulu kwemkakho, umyeni wakho, noma umnakenu, noma kungaba ngubani, umfundisi wakho. Sonkhe, siyafana. Kodvwa UngumPhristi loMkhulu. Angisuye umPhristi loMkhulu. Unguye.

²⁶⁶ Kungitsinta kwakho angeke kukwentele lutfo loluhle; kodvwa kutsinta Yena kutakwentela. Kodvwa uma ngingatinikela kuYe...Nginjenga lo—lombhobho lapha. Lombhobho uthulile kute kube khona intfo letsite lekhulumta kuwo. Ngabe kunjalo na?

²⁶⁷ Yebo-ke, khona-ke, angati namunye wenu ngephandle lapho. Futsi uma bengingaKubona etikwalabanye benu lengibatiko, bengingeke ngisho lutfo. Ngiyamati uMnaketfu naDzadze Dauch labahleti khona lapho. Futsi ngikholwa kutsi lona ngumnaketfu lomncane longumGrikhi lapha lovela eGreece, kutsi ngi—kutsi angisalikhumbuli ligama lakhe, nguDavide. Futsi ngaphandle kwaloko, ngicabanga kutsi loku yi...labantfu laba khona lapha, impela, lamantfombatane lamatsatfu noma lamane khona lapha kulelilayini lelingembili, ngiyawati, ngoba avela eGeorgia nasemuva eTennessee. Beta ebandleni lami. Labanye balabobantfu bashayela emamayela langemakhulu lalishumi nesihlanu ngeliSontfo, lonkhe liSontfo lengilishumayelako. Ngaphandle kwaloko, ngicabanga kutsi Dzadze Evans uhleti khona lapho, naDzadze Ungren nalabanye, uMnaketfu Evans, bahleti khona ngalapho.

²⁶⁸ Manje ngiyanibuta bantfu. Bangakhi ekhatsi lapha labagulako, nallowatiko kutsi angikwati, angati lutfo ngani na? Phakamisani tandla tenu. Banini nekukholwa.

²⁶⁹ Manje, Babe loseZulwini, Uyyati inhlitiyo yami. Futsi a—a—angiti kuloku, kutowenta umbukiso waKho longembili, Nkhosi. Awudzingi kutsi wente loku. Uma Ungafuni kukwenta, Babe, akukho entsandvweni yaKho yebuNkulunkulu, khonake vele ukuvale nje, wentele bona. Siyativeda kutsi Moya loyiNgewebe kerekapha futsi wasibusisa.

²⁷⁰ Kodvwa ngekutsi ngikhulume ngalesosifundvo, “NginguNkulunkulu, futsi angigucuki.” Khona-ke ngesikhatsi Uhamba lapha esimeni semuntfu, emhlabeni, Imanuweli, wesifazane lomncane watsintsa sembatfo ngalelinye lilanga, futsi bekaneukholwa lokunjalo Lakuva. NeLivi laKho liyasho, Babe, kutsi, kusihlwa, kutsi Jesu, iNdvodzana yaKho, ungumPhristi wetfu loMkhulu, futsi Usengatsintfwa kuvelana nebutskatsaka betfu.

²⁷¹ Kukhona labo ekhatsi lapha labagulako. ngiyakhuleka, Babe, kutsi Utobavumela, lokungenani kunye noma lokubili, noma lokutsite ekhatsi lapha, Nkhosi, kute bantfu babe nentfo letsite labatobambelela kuyo, njengaJakobe, futsi bati kutsi nguMoya loyiNgcwele, futsi bangaliyekeli bate babusiswe. Kwangatsi, uma nje Utokwenta loko, Nkhosi, wonkhe umuntfu logulako ekhatsi lapha utobamba leso setsembiso lesifanako, futsi bahlale nako ngco baze bacinisekiswe enhlitiywani yabo kutsi sibusiso saNkulunkulu siphumule etikwabo.

²⁷² Manje, nginikela letetsameli leti kuWe, uMlayeto nami lucobo, ngemisebenti yaKho. Kungetulu kwaloko lengingakwenta, noma ngubani lomunye longakwenta, kusukela lapha, Nkhosi. Kufanele kube nguWe, ngako tifakazele Wena lucobo kutsi ukhona, longuye itolo, namuhla, naphakadze, Nkulunkulu longaguculeki. EGameni laJesu Khristu, ngicela loku. Amen.

²⁷³ Angiwuva uMoya waKhe, niyabona, ngaleyondlela. Siphiwo. Loko akusho kutsi NguMoya loyiNgcwele ngetulu kwaloko umntfwana lomncane layoba nako. Kusiphiwo nje lesihambisana naMoya loyiNgcwele, kwenta Livi liphile. Manje, loku, ute... Uma Bekangakwenta, awudzingi kutsi ukhatsateke. Li—liLivi lelibonakalisiwe. Livi lelibonakalisiwe.

²⁷⁴ Manje, ngifuna nje ngamunye wenu bantfu kutsi nicabange loku enhlitiywani yenu. Cabangani nje—nje loku. Awudzingi kutsi ukukhulekele kakhulu. Thantaza kuwe nje. “Nkhosi, nginesiciniseko kutsi uMnaketfu Branham akati lutfo ngami. Akasati sifo sami. Akati lutfo ngami. Futsi angitami kutsintsia lowomshumayeli. Kodvwa usitjele ngalokucacile kutsi WawungumPhristi loMkhulu, futsi ngikufundzile. Futsi ngi—ngiyaKucela, vele umvumele akhulume nami, njengoba Jesu akhuluma nalowesifazane e...lowatsintsa sembatfo saKhe. Futsi nje...”

²⁷⁵ Noma, uma untaguli, utsi, “Nkhosi Jesu, akutsi... Bengahlala njalo ngimancikancika kancane ngaloku, kwanoma yini kulokungetulu kwemvelo. Kodvwa ngitsanza impela kuba nentfo letsite lebengingabeka sandla sami kuyo. Ngako akakhulume naS'bani-bani ekhatsi lapha. Ngiyamkhulekela lowesilisa noma lowesifazane. Aka—akakhulume kanjalo. Ngitokholwa.” Kutosusa konkhe kuwe. Loko kutoba yintfo longabeka tandla takho kuyo, njengaJakobe, futsi utsi, “Ngiko loku.” Wabamba Nkulunkulu, ngalesinye sikhatsi, wase utsi, “Ngilapha. Ngingakubamba.”

²⁷⁶ Kunganenta yini nonkhe nikholwe na? Uma ningakwenta, phakamisa sandla sakho. Utsi, “Nje—nje vusa kukholwa kimi;” ndzawotonkhe, “kube bengingakubona kwentiwa.” Nkulunkulu akubusise.

Angisho kutsi Utokwenta. Ngiyetsema kutsi Utokwenta.

²⁷⁷ Ngalesinye sikhatsi, ehla avela entsabeni, Watsi, “Konkhe kungenteka, uma kuphela ungakholwa,” kuyise wemfana lonesitfutfwane. Uma nje singakholwa! Umuntfu logulako nalodzingako, kholwa. Kholwa ngayo yonkhe inhlitiyo yakho. “Uma ungakholwa, konkhe kungenteka.”

“Utsi ulindzele ini, Mnaketfu Branham na?”

²⁷⁸ Wonkhe umuntfu ekhatsi lapha, akungabateki, ngike ngaba sePhoenix emahlandla lamanyenti, ngiKubonile, ngishumayela umlayeto lonjengalona. Kodvwa, KukuKhanya. Banesitfombe saKo. Noma ngumuphi, linengi lenu nonkhe, nikubonile kuKhanya. Anikubonanga na? NikuTfolile etitfombeni netintfo. Lapho, KuseWashington, DC BanaWo futsi lapha, ngalelelinye lilanga. Niyabona na? Loko kutifakazela Kona lucobo, yiNsika yeMlilo leyahola bantfwana baka-Israyeli badzabula ehlane.

²⁷⁹ LeyoNsika yeMlilo yentiwa inyama yakha emkhatsini wetfu. Jesu watsi, “Ngivela kuNkulunkulu, futsi Ngiya kuNkulunkulu.” Emvakwekuvuka kwaKhe Wenyukela Etulu.

²⁸⁰ Futsi ngesikhatsi Enta, Wahlangana naPawula asendleleni abheke eDamaseko, futsi Bekasabuyelete akuKhanya futsi. Pawula bekangaKubona. Bonkhe lalabanye babo bebangeke baKubone. Kwamenta ngisho waphumphutseka. Bekayimphumphutse. Futsi watsi ukubonile lokuKhanya lapho, kukhanya njengelilanga. Watsi, “Nkhosi, Ungubani Wena?”

²⁸¹ Watsi, “NginguJesu. Futsi kulukhuni kuwe kukhahlela emanyeva.”

²⁸² Manje, loko kuKhanya lokufanako, sitfombe saKo, uma loko kukuKhanya, uma leyo kuiyNsika yeMlilo lefanako, yena loJesu lofanako lobekasendleleni leya eDamaseko, Pawula, Kuyokwenta imisebenti lefanako. Kutofanele.

²⁸³ NaLu ke. Ayibongwe iNkhosi. NgiyaKubonga, Nkhosi Jesu. Manje Sathane ake atame kusho lokutsite!

²⁸⁴ Lodzadze lomncane lohleti lapha logcoke ingubo leluhlata sasibhakabhaka, unenkhatsato yemankanka, akhuleka, uyakholwa ngenhlitiyo yakho yonkhe futsi kutosuka kuwe. Utokukholwa na? Kulungile-ke, ungaba nako. Angikaze ngimbone lowesifazane, angikaze ngimbone emphilweni yami. Letotintfo tiliciniso, atisilo yini, dzadze? Uma bakhona, phakamisa sandla sakho, emuva nasembili. [Lodzadze utsi, “Bacinisile.”—Umhl.] Bewukhuleka mayelana naloko, “Nkhosi, akutsi yena . . .” Bani nekukholwa.

²⁸⁵ Lapha kuhleti dzadze lomncane lomuhle, lohleti emuva lapha, nelibhantji lelincane leliboya noma intfo letsite kulo. Nako loko kuKhanya. Anikuboni loko kulengela ngco etikwalowo wesifazane lapho na? Lowo wesifazane usesimeni lesibucayi. Angimati, angikaze ngimbone emphilweni yami.

²⁸⁶ Uma sitihambi, phakamisa sandla sakho. Kodvwa, lalela. Loku akusilo yini liciniso, kuva lokungakejwayeleki sibili kunitungeletile, kumnandzi impela, kuva lokutfobekile na? Loko nguloko kuKhanya. Ngibuke Kuko ngco. Lapha. Unesimila. Hhayi nje simila kuphela, kodvwa timila. Tikuwe tonkhe. Kunjalo. Akunjalo na? Uyakholwa na? Nkulunkulu uyakuphilisa futsi akusindzise. Bani nekukholwa.

Uyakholwa na?

²⁸⁷ Lapha, dzadze lomncane uphakamise sandla sakhe, khona emuva *lapha*, ahleti ngemuva kwalomntfwana, esitulweni semasondvo. Angimati loyodzadze. Angikaze ngimbone. Sitihambi. Asisito yini, dzadze? Kodvwa ukhulekela inkhatsato yenhltiyo, kutsi Nkulunkulu utokuphilisa. Uma loko kunjalo, jikitisa sandla sakho *kanjena*. Jesu ukuphilisile. Yani ekhaya futsi usindze.

²⁸⁸ Uyakholwa ngenhlitiyo yakho yonkhe manje? “Uma ungakholwa nje, tonkhe tintfo tingenteka.” Bani nekukholwa. Ungakungabati. Kholwa nje ngako konkhe... .

²⁸⁹ Naku kuhleti wesifazane khona *ngalapha*, lohleti khona phansi, besifazane labambadlwana labavela kuNkkt. Sharrit. Uhleti lapho, uyakhuleka. Unesifo sekucacamba kwematsambo. Kukholwe, dzadze. Uyakukholwa na? Kulungile. Kwemukele.

²⁹⁰ “Kuyoba kuKhanya ngesikhatsi sakusihlwa.” LiBhayibheli latsi kuyoba njalo. Nkulunkulu longaguculeki!

²⁹¹ Ngitjele kutsi batsintse Bani. Jesu Khristu unguye itolo, namuhla, naphakadze. Mine, ngesizotsa, netandla totimbili tiphakeme, angikaze ngibabone lababantfu ngaphambili, angati lutfo ngabo. Kodvwa Lowo lokhona manje, bewungeke uyifihile imphilo yakho kube bewufanele. Kunjalo. Ulapha. UnguKhristu. Kungiko sibili. Setsembiso saKhe, Nkulunkulu lofanako. Ungeke wasibamba na? Bambelela kuko bese utsi, “Kwami. Manje ngiyakholwa.”

²⁹² Babe loseZulwini, ngiletsa letetsameli leti kuWe, labantfu laba labagulako. Badzingile. Njengoba sicaphunile itolo ebusuku, bekunemelusi wetimvu lomncane ngalesinye sikhatsi, ligama lakhe linguDavide. Wanikwa umyalo, kunakekela timvu teyise. Banengi belusi labahleti lapha kusihlwa, futsi, Nkhosi. Futsi bekete lokunengi kakhulu kutivikela, nekuvikela timvu, kodywa sidubulelo nje. Loko kwakwenele. Ngalelinye lilanga kwangena libhubesi lase litfola lenye yetimvu takhe, layikhiphia. Davide bekatyi kutsi Nkulunkulu waseZulwini bekanaye, futsi wabamba lesidubulelo futsi walanzela timvu. Futsi walibulala lelibhubesi, walishaya walilahla phansi ngesidubulelo, futsi wabuyisa imvu yaphila.

²⁹³ Babe, kugula, develi, longetulu kwelibhubesi, ubambe letinengi tetimvu taKho. Nginesidubulelo lesincane lapha; sibitwa ngemkhuleko nekukholwa. Akusiko kakhulu kutsi

ungabuka, etulu eceleni kwetikhali tesayensi yetekwelapha. Kodvwa, Nkulunkulu, Wena condzisa lomkhuleko kuleyondzawo lapho.

²⁹⁴ Sathane, bakhulule. Ngilandzela leyomvu. Bakhulule. Ngibabuyisela eddelweni laBabe futsi kusihlwa.

²⁹⁵ EGameni laJesu Khristu, ngekhuta wonkhe develi wekugula, ngibakhipha kulabantfu laba. Futsi kwangatsi bangahamba, bakhululeke, kusukela kuleli-awa kuchubeke, ngeliGama leNkhosi Jesu Khristu.

²⁹⁶ Bonkhe labakukholwako kophiliswa kwenu, sukumani nime ngetinyawo tenu, futsi nitsi, “Manje ngiyakwemukela kophiliswa kwami. Ngibeka tandla tami kuLoku, lowo nguKhristu, futsi ngiyakukholwa ngenhlitiyo yami yonkhe.”

Umelusi wenu. 

62-0120 Nkulunkulu Longaguculeki
Asebenta NgeNdlela LengakaLindzeleki
EWestwood Assembly Of God
EPhoenix, E-Arizona E-U.S.A.

SWATI

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Inotsisi yelilungelo lemtsetfo

Onkhe emalungelo agodliwe. Lencwadzi ingaprintwa ngeprinta yasekhaya yentelwe kutsi umuntnu atisebentisele yena noma kutsi iniketwe labanye, mahhala, njengelithulusi lekusabalalisa liVangeli laJesu Khristu. Lencwadzi akukamele itsengiswe, iphindze ikhicitwe tibetinengi, iposwe kuwebsayithi, igcinwe ngeluhlelo lwekutsi iphindze itfolakale, ihunyushelwe kuletinye tilwimi, noma isetjentiselwe kuticelela timali ngaphandle kwemvumo lebhaliwe lecondzile ye Voice Of God Recordings®.

Mayelana nelwati lolwenetiwe noma lwalwenye impahla lekhona, sita uchumane ne:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org